

НОРМУРОД НОРКОБИЛОВ

ЮЗМА-ЮЗ

(Қиссалар)

ТОШКЕНТ
ЧУЛПОН НАШРИЕТИ

ОҚБҮЙИН

Оқбүйин нотаниш ҳидни дарров илғади. Парво қилмади. Товуқ патини ўйнашда давом этди. Патни эрталаб топган, нималигига ақли етмай боши гаранг эди. Ин ёнидаги чирик хашаклар устида чўзилиб ётган она ит безовта фингшигандан сўнггина қадам товушлари келаетган томонга ўгирилди. Беш одимча нарида уй эгаси—Содиқ ака билан норғул бир одам—Карим подачи, эгнида яғири чиққан паҳталик, оёқларини кериб туради. Ундан гўнг, пичан, силос ва яна алламбалоларнинг ҳиди анқирди.

Оқбүйин бу хил ташрифларга кўниккан, ҳар келдикетидан сўнг оға-иниларидан бирортаси фойнб бўлади, кейин онаси туни билан фингшиб чиқади. Бошда улар ўнта эди. Учтасини, ургочи экан, биринчи ҳафтада ёқ гумдон қилишди. Бу гал навбат қайси бирига экан?

Карим подачи оёқлари остида ўралишаётган иниси—Оқтўши кўлига олиб, обдон пайпаслаб кўрди, панжаларини диққат билан кўздан кечирди. Ёқтирамади. Оқтўш нари кетишини хаёлига ҳам келтирмай, тағин сўйкала бошлаганди, Карим подачи этиги учи билан туртиб юборди. Жони оғриган Оқтўш ангиллаганча онаси томон пиддиллаб қочди.

Иниси Оқбүйинга ёқмайди, ўлгудек ялтоқ, кўринган қорага сўйкалади. Акаси Малла эса тамомила акси—тажанг, салга зардаси қайнаб дарҳол «ёқа бўғишади». Ҳозир ҳам у ин тўрига биқиниб олиб, Карим подачига адоваратли тикилиб туради.

— Анови турқи совуқни обер-чи, — деди подачи Маллани кўрсатиб.

Содиқ ака Маллани инидан тортиб чиқарди-да, унга узатди. Карим подачи уни узоқ тутиб турмай, дарров ерга қўйди.

— Буниси қопағон бўлади, — деди Малла тишлаган бармоғига пуфлаб. Подачининг эзғилашлари Оқбўйинга

ёқмади. Аммо табиатан бардошли учун бошқалар каби тўполон қилмади, темирдек қаттиқ бармоқларга тиши ботиришдан ўзини тийиб, жимгина туриб берди.

Карим подачи — синчи, итни фарқлай билади. Умри фермада ўтган бу одам итни ишқибозлиқ учун эмас, зарурат юзасидан асрайди. Негаки, қиши кезлари қир ошиб келадиган бўрилардан куйган — жондор деса етмиш етти томири тортишади, бўриларга емиш бўлган томдай-томдай новвослари кўз олдига келиб, ичи-таши баравар ёнади. Авваллари аҳвол айтарли даражада ёмон эмасди, салгина пўписаю қутқу билан жондор зотини даф этмоқ мумкин эди. Аммо уч йил бурун Ёлдор деган бир маҳлук пайдо бўлдию подачидан ҳаловат кетди. Арлони бўри итларни писанд қилмаганидек, милтиққа ҳам осонгина чап берарди. Тунлари бўри пойлайвериб, биқинини шамоллатиб қўйганидан сўнг, Карим подачи қопқон қўйиб кўрди. Бироқ Ёлдор қолиб, қопқонга ферма теварагида айланиб юрадиган дайди эшаклардан бири тушди. Этни дорилаб йўлга ташлади. Ёлдор эмас, ити заҳарланиб ўлди. Кейинги асраган ити эса ғоят юраксиз чиқди. Ёлдорнинг қорасини илғар-илғамас эшик тирнаб, ғингшинганча ичкарига интилади, баъзида қишлоққа қочиб қоларди. Бу қиши ўртаси бу ҳол яна такрорлангач, Карим подачи жаҳл устида итни отиб ўлдирди. Чунки Ёлдор тўдаси бошқа мол қуригандай, унинг танасини бўғизлаб кетганди-да. Шундан буён подачи яхши ит қидириб юради. Худди шундай ит ҳозир унинг қўлида эди. Бу кучук арлони ит наслидан. Бунақаси мингдан битта чиқади. Насиб этса, узоғи билан яна тўрт-беш ойдан сўнг бу атрофда унга тенг келадигани бўлмайди. Жондор зоти борки, овозини эшитиши билан қир бошида михланиб қолаверади. Карим подачи ичичидан хуруж қилиб келаётган қувончини базўр ютиб, ўй эгасига юзланди.

— Шунисини танладик.

— Йўқ, буниси ўзимизда қолади, — деди Содиқ aka қатъий бош чайқаб. — Қанжиқни йўқотмоқчимиз...

— Бир қўй... қўзиси билан.

Содиқ aka Оқбўйинга қизиқиш билан тикиларкан, тоғаси ҳақлигини англади. Ичада унинг топқирлигидан қойил қолди. Тоғаси меҳмон бўлиб келган куни кучукваччалар энди оёқлаган эди. Тоға қанжиқни йўқотиб, арлон ит асрарни маслаҳат бераркан, кучукваччаларни чопони барига солиб, томорқа адогига обориб ташлади. Иссиқ жойидан қўзгатилган кучукваччалор нотаниш

жойда нима қилишларини билмай пайпасланыб туриш-
ганида, Оқбўйин тўдадан ажралиб, сал нарида безовта
ғингшиб турган онаси томон интилди. «Мана шунисини
асра, — деди тоға. — Бундан зўр ит чиқади. Қолганла-
ри бир пулга қиммат». Содиқ ака учун ҳамма ит бир ит
эди. У бу борада ҳовли итсиз бўлмаслиги керак деган
ақидага ғўйсуниб иш тутарди. Тоғанинг гапидан сўнг
Оқбўйинг нисбатан қизиқиши ортгандай бўлди. Бир
томони меҳмон ҳурмати уни асрароқни кўнглига тугди.
Подачининг гапидан кейин Оқбўйинг қизиқиши ўн чан-
дон ортди. Ахир ҳеч замонда ит савдолашилганми?
Қишда бир чакса қорни бировга раво кўрмайдиган шун-
дай бир одам қўй ваъда қиляптими, демак бу кучукда
бир гап бор. Туришини қара, пинак бузмайди-я.

— Ана бор, иккита қўй.

— Ака, биласиз мен битта гапираман.

— Оббо, қўранг тўла молмидики, ит асрарсан.

— Яхши ит ҳаммагаям керак.

— Буни асрар наф кўрмайсан. Рашким ёмон, бирда
бўлмаса, бирда отиб ўлдираман.

— Ярашадиган гапни қилинг, ака.

— Отмаган тақдиримдаям... барибир Хидир хира
отиб кетади.

— Отиб кўрсин...

Савдоси пишмаган Қарим подачи итни ерга қўяркан,
зарда билан биқинига тепди. Зарб кучли бўлмаса-да,
бу хил муомала Оқбўйинг ёмон таъсир қилди. Таҳқир-
ланганини ҳис этиб, ғазаби келди. Ириллади. Ириллаш
баробарида акиллади. У ўз қадр-қимматини яхши би-
ларди. Бу жиҳатдан отаси Олапарга тортган эди. Ола-
пар қўшни қишлоқлик Абдурайим овчининг ити. Кузда
у бу томонларга қадам қўйгандан, унинг ҳайбатли, кўр-
кам келбатини кўриб, бутун қишлоқ лол қолганди. Ола-
пар ҳовлига бошқа итлар каби девор ошиб эмас, тўғри
дарвозадан кирган. Ўй эгасининг дўқ-пўписасига зифир-
ча эътибор бермай, бамайлихотир юриб, томорқага ўт-
ган, картошкапояда, ўн чорли ит қуршовида «нозланиб»
ётган қанжиқни бир зумда ўзиники қилиб олган.

Ҳали ҳеч кимдан бу хил муомалани кўрмаган Оқбў-
йин ғазаб ва аламдан бенхтиёр акиллаб юборганди.
Акиллаган сари иззат-нафси алланечук ором топиб,
сизози ўзига хуш ёқди. Қарим подачи Маллани қўйнига
солиб, эшик ортида кўздан йўқолмагунча у тинчимади.

Шу кундан эътиборан у ҳуришини ўрганди.

Оқбўйин дилхираликини тез унуди. Тағин товуқ пати

билин андармон бўлди. Илгафи бирд нима билан ўйнашганда ирилларди, энди бўлар бўлмасга акиллашни одат қилди. Эпкин товуқ патини ҳаволатганда, акиллаганча ортидан қувладиди, сакрайди, тапта босади, панжалари билан пийпалайди ва охир-оқибатда ҳафсаласи пир бўлиб, эндигина бошқа нарсага алаҳсимоқчи бўлганида, бирдан товуқ патига «жон» киради, шабадада «қанот қоқади». Оқбўйин тагин унга ташланади, тутади, пийпалайди, нималигига ақли етмай гаранг бўлади.

Чор атрофи баланд девор билан ўралган тор жойида унинг ақли етмайдиган ажойиботлар тўлиб-тошиб ётиди. Шулардан бири бурчакдаги тешикдан тез-тез мўралаб турадиган каттакон каламуш эди. Оқбўйин унга нисбатан яхши муносабатда эди, оға-иниларига тегажоқлик қилгандек у билан ўйнашгиси келади. Аммо каламуш кучук яқинлашиши билан ура қочади. Яна бири аҳён-аҳёнда том бошида пайдо бўладиган тарғил мушук эди. Мушук олифтанамо қадамлар билан девор устидан юриб келади-да, томга сакраб, соатлаб ўзига оро беради. Энг қизиги девор бошида ўқтин-ўқтин кўринкиш берадиган бабақ хўрор. У ўзига ҳайратомуз тикилиб турган Оқбўйинга бошини у ён-бу ён буриб анчайин қараб қўяди-да, қанотларини тап-тап қоққанича, бирдан қичқириб қоладики, шўрлик Оқтўш қочаман деб ўмбалоқ ошиб тушади. Оқтўш журъатсизлигига яраша ўлгудек бўшанг—салга додлайди. Оқбўйин худди мансунисига ишқибоз, уни ерга босиб эзгилашни яхши кўради. Онасининг хотиржам боқишлирида ўз қилиғига рағбат сезгани сайн гайрати янам жўшади, оқибатда онаси ўртага тушишга мажбур бўлади. Қилғилиқни Оқбўйин қилиб, гапни Оқтўш эшитади, бўшашмай, кетлапашанг!

Гоҳида шу иш устига ўй эгасининг ўртанча ўғли Расул келиб қолади. Ана унда кўринг томошани. Расул уларни атай ўчакишитиради, яъни Оқбўйинни Оқтўшнинг тагига босиб ғашига тегади. Бундан Оқбўйиннинг ғазаби шу қадар қўзийдики, тутқундан бўшаши билан сакраб туриб, ҳеч бир гуноҳи йўқ инисини тишлаб—тортқилай кетади. Натижада, Оқтўш ташқарига чиқолмай соатлаб биқиниб ўтиради. Онаси ин оғзида чўзилиб интиқом ўтида ёнаётган Оқбўйинни ичкарига йўлатмайди ҳовуридан тушишини кутади. Оқбўйин аламидан Маллага ёпишади. Амма Малла бўш келадиганлар хилидан эмас, «мушт»га «мушт» билан жавоб беради. Айниқса, кечаги жанжал ёмон бўлди. Расулнинг қутқуси билан у

Маллани энди тагига босган эди, кутилмаганда ўнг оғи акасининг жағлари орасига тушиб қолди. Жағ эмас, мисоли қолқон, қани энди қўйворса.. Ангиллаб юборди. Расул уни ердан кўтариб бағрига босди. Лат еган оғини силаб-сийпади. Маллани эса тепиб ҳайдади.

Расул бошданоқ Оқбўйинг айрича меҳр қўйган. Оқбўйин буни ўзича ҳис қилган сайн тантиқлиги ортади. Аслида, эшиқдан кириб келадиганлар орасида энг ғамхўри ҳам Расул эди. Шу боис боланинг келишини Оқбўйин илҳақ кутади. Келавермаса, эшик ёнига бориб, ташқарига мўралайди. Тирқишдан кенг ҳовлининг бир бурчаги — ўчоқ боши кўринади, холос. У ердан кунда уч маҳал ялоққа тўкиладиган овқат ҳиди келади.

Товуқ пати жонига теккач, Оқбўйин эшик ёнига борди. Тирқишга тумшуғини сукіб ғингшиди. Таниш ҳиддан дарак йўқ, қадам товушлари ҳам эшитилмайди. Расул келмагунча, у эшиқдан нари кетмади, гоҳ ғингшиб, гоҳ акиллаб уни йўқлаб турди.

* * *

Малла олиб кетилган куннинг эртаси пешинга яқин чақин чақиб, жала қўйиб берди.

Оқбўйин ҳали бунақасини кўрмаган, қўрқувдан юраги ёрилай деди. Ёмғир чинмагунча, онасининг пинжидан чиқмади.

Оқбўйин ин оғзида пайдо бўлган каттакон қўлмакка эҳтиёткорлик билан қадам қўйганида, ёмғир тинган, паға-ғага булатлар орасидан офтоб мўралай бошлаганди. Панжаси сувга тегиши билан Оқбўйин оғини тортиб олди. Искаланди. Четлаб ўтиш лозимлигини фаҳмлади. Шундай қилди ҳам. Намчил ерга чиқиб, қаттиқ силкинди. Шунда ортидан Оқтўшнинг нолакор ғингшигани эшитилди. Угирилиб инисининг ин олдида пайласланиб турганини кўрди. Келавер, деган маънода шўхчан акиллади. Аммо Оқтўш қўлмакдан ўтишнинг эвини қилолмай баттар ғингшиди ва турган жойида тўсатдан шалоп этиб сувга ағдарилиб тушди-да, ортидан онасининг улкан боши кўринди. Онаси Оқтўшга қайрилиб ҳам қарамади, енгил сакраб Оқбўйиннинг ёнига келди. Силкинди. Сенг меҳр билан унинг тумшуғини ялаб қўйди. Уддабурон кимга ёқмайди дейсиз. Мақтодан талтайиб кетган Оқбўйин лўмбилилаганча инисининг устига бостириб борди. Шусиз ҳам бўлари бўлиб, дийдираб турган шўрликни тўши билан уриб йикитди. Остига бошиб пийпаламоққа чоғландину тағин раҳми келди. Тум-

шуғи билан туртқилаб унинг туришига кўмаклашган бўлди. Кейин девор ёқалаб тентиб кетди. Ёмғирдан сўнг ер бетига қалқиб чиқсан чувалчангларни кўриб, бир муддат шошиб қолди. Нима бу? Диққат билан кузатди. Искаланди. Бошқаларига нисбатнан жадалроқ харатланаётган йўғон чувалчангни оғзига олди. Туфи-ий, бунча bemaza! Чувалчангдан юз ўгириб, девор ёқалаб юрди. Хашаклар орасидан ёмғирда ивиган бир чақмоқ қанд топди. Қандни кеча Расул олиб келганди. Зўрлаб оғзига тиқиширмоқчи бўлганида, Оқбўйин бош тортганди. Тошдек нарсани еб бўларканми? Ҳозир эса... аввал исқади, кейин қизиқсиниб ялаб кўрди. Мазаси оғзига ёқиб, тағин ялади. Бирпастдан сўнг қанддан номнишон колмади.

Оқбўйин қанднинг кайфини суриб, тумшуқ ялаб турганида, бирдан том бошида тапир-тупур бўлиб кетдида, алламбало жон ҳолатда бағиллади. У эс-ҳушини йигиб олгунча бўлмай, ғазабдан туклари ҳурпайган, кўзлари бежо, қора мушук нақ қаршисига тап этиб тушди. Оқбўйин унинг важоҳатидан чўчимади, дастлаб ҳайрон бўлди, кейин чилвирдай ингичка думини ликиллатди, ўйнашгиси келди. Кўтарилган ўнг оёғи ҳавода муаллақ қолди. Мушук таҳдидли «пих-х»лаб, жон ҳалпида деворга сакради, ивиган тупроқ кўчиб, у ерга йиқилиб тушди. Каттакон суюкни оёқлари остига олиб ғажиётган она ит уни зир қува кетди.

Оқбўйин онасининг ҳаракатидан бу жой ёлғиз ўзларига дахлдор эканини, ўзга жонзорд қадам қўймоққа ҳаққи йўқлигини англаб етди. Шу важдан том бошида жароҳатини ялаб-юлқаётган тарғил мушукка қараб акилламоққа тушди. Тарғил пинак бузмади, лоақал қиё боқинши ўзига сп кўрмади: ғашимга тегмаган сен қолувдинг, кўп акилламай тошингни терсанг-чи!

Шу тарзда бу ёруғ жаҳонда унинг биринчи душмани пайдо бўлди. Мушукни кўрди дегуича тирқиратадиган бўлди. Илк тўқнашувлаёқ бу олифта жониворлардан яхшилик чиқмаслигини сезган эди-да.

Оқбўйин акиллашдан чарчаб, яна тимирскилана бошлаганида қўя очиқ эшикка рўбарў бўлди. Оралиққа бош суқиб ташқарига мўралади. Ҳовли юзидағи товуқлар диққатини тортиди. Бир четда ўша таниш бабақ хўроз гўддайиб турарди. Оқбўйин қадрдонларини учратгандай алланечук шодланиб улар томон ошиқди. Аммо унинг ташриғи товуқларга ёқмади. Хўroz эса очиқдан очиқ таҳдид қилмоққа ўтди. Ўнг қаноти билан ер супи-

риб, яқинлашма, ёмон қиласан, деган маънода жойида чир айланаркан, кетига тисланиб, тепмоқса чоғланди. Оқбўйин ярим йўлда саросимада туриб қолди, бегона жойга қадам босганини пайқади.

Бахтига товуқлар тезда уни унуглишиди. Хўрз атрофига уймалашиб, у топган нон бўлагини талашиб торғилай бошлишиди. Оқбўйин ортиқ чидаб туролмади, беозор акиллаганча тўдага суқилади. Товуқлар тўзиб, хўрз чекинди. Оқбўйин нонни искади, кейин чайнами ютиб юборди.

У ҳовлида эмин-эркин тентиб юраркан, дафъатан ҳушёр тортиди. Қулоқларини динг қилди. Узоқ кутмали. Маъраш овози яна такрорланди. У товуш келган томонни тусмоллаб юрди. Қўра эшигига борди. Эшикни тимдалаб, кўкраги билан итариб очди. Димогига гўнг ва шинтири ҳиди урилди. Бурчакдаги темир охур ёнида боғлиқ турган говмушга кўзи тушиб, жойида қотди. Фингшиш аралаш ириллади. Сигир қаттиқ пишқирди, сузмоқ бўлиб бош силкиди. Бунга жавобан Оқбўйин акиллади. Акиллай-акилай изига бурилди. Ошхонадан тумшуқ ялаб чиқиб келган тарғил мушук кучукни кўриб, эри нибгина томга сакради. Оқбўйин унга ортиқ эътибор бермади. Нимага дегандা, ўзини тинмай таъқиб этаётган сон-саноқсиз ҳидлар орасидан туйқус бир ҳидни илғаб қолганди. Ҳид уни тўғри уй эшигига бошлишиди. Эркаланиб уй эшигини тирнади, фингшиди, акиллади. Эшикда каттакон қулф осиғли эди.

Оқбўйин бирпас искаланиб турди-да, кейин ҳовлини кесиб ўтиб, томорқа эшиги томон йўналди. Ланг очиқ эшикка етаркан, кўзи тушган биринчи нарса чопилган ер ўртасида ниманидир зўр иштаҳа билан чайнаётган қора мушук бўлди. Уни кўриши билан Оқбўйин бояни учрашувни эслади, ғазаби қўзиди, акиллаганча шудгор оралаб мушук сари юргурди. Қора мушук девор ошиб қочиб қолди.

Оқбўйиннинг ғазаби — чин, ҳужуми — пўписа эди. Мабодо, мушук бир оз ҳаяллаганида, олға боришга юрти чопмаган, чор тарафи тераклар билан ўралган бу ерни мушукка дахлдор деб билган бўларди. Аммо мушук ҳам хўрз сингари у билан пачакилашиб ўтиришини ўзига эп кўрмади. Натижада Оқбўйин ўз-ўзидан ҳовли ва томорқага «хўжайин» чиқиб қолди. Бундан беҳад шодланиб, бор овозда акиллаганча онаси ва инисини чақириди. Бироқ улар қорасини ҳам кўрсатишмади.

Оқбўйин томорқа бўйлаб тентиаркан, ариқ ёқасида чумоли карвонига дуч келди. Олдин ҳеч кўрмаган, қиизиқсиниб кузатди. Искади. Нақ тумшуғига ёпишган учтўрт чумолидан базўр қутулиб токзор оралади. Гумай баргидა ўрмалаб бораётган хонқизини томоша қилди. Искаб кўришдан ўзини тийди. Аммо кўз олдингда турган нарсани искамай ёки пайпасламай бўларканми, у энди оёғини кўтарган ҳам эдики, барг учида бесаранжом тебранаётган хонқизи уни ҳайратда қолдириб учди кетди.

Томорқанинг аллақайси бурчидаги ку-кулаган мусичанинг овозидан ўзига келганда, шундаққина тумшуғи тагида, қоқигул устида болари айланиша бошлади. У ҳамон муаллақ турган оёғини йиғиб, бошини бир ён қийшайтириб, унинг ҳаракатларини зиддан кузатди. Болари гулга қўниши билан Оқбўйин панжасини олдинга чўзди. Болари норози визиллаганча ҳавога кўтарилди. Оқбўйин ортидан чопти, кесакка қоқилиб, чуқурчага афдарилиб тушди. Тушиши ҳамон жон ҳалпида юқорига тирмашди. Чуқур тубидаги бақалар кўзига алламбалолар бўлиб кўринди. Та什қарига чиқиб ҳам хийла вақт ўзига келолмай турди. Кейин аста чуқур лабига келиб, бир муддат бақаларни томоша қилди. Туфе-ей, бунча совуқ.

Кейин учраган ҳар бир нарсага алаҳсиганча томорқа бўйлаб тентиради.

Бироқ унинг эркинлиги узоққа чўзилмади. Ҳовлида товуқларга тегажоқлик қилиб юрганида, дарвозадан кириб келган Кимсан хола қўлига тушган таёқ билан уни қувлади. Буни қарангки, ҳовли одамзодга тегишли экан. Шунингдек, Оқбўйин ўзи билган, кўрган жонизодлар орасида ёлғиз одам боласи билангина ҳазиллашиб бўлмаслигини қўймичига тушган калтак зарбидан сўнг яна бир карра чуқур ҳис этди.

* * *

Қишлоққа босиб келаётган фалокатни Оқбўйин тонгданоқ пайқади. Нималигини фаҳмламаса-да, қишлоқда қиёмат қойим қўпаётганини ҳис этди. Ҳавода ўзи кўниккан ҳидлардан бўлак миљиқдори ҳиди ҳам анқий бошлаганди. У жавоб истаб онасига термулди. Она эса бепарво, овқатга тўйғанча хашак устида чўзилиб ётарди.

Оқбўйин бекорга безовталанмаганди. Қишлоққа ит отувчилар оралган, ҳовлима-ҳовли юриб «инدامас» мил-

тиқлари билан ит зотига қирон келтиришарди. Бу ишга Хидир хира мутасадди эди. Исми жисмига монанд бу одам ит эгаларидан қанча таъна-дашном эшиитасин, ҳаттоғи неча бор калтак емасин, одатини сира тарқ эт-мас, ҳар күкламда ўзи айтгандек, юқорининг буйруғини бекаму кўст адо этарди. Буйруқни ким берган, нима учун берган, ёлғиз худога аён. Қисқаси, мағрибда бирор ит касалланган бўлса, машриққача бўлган жамики итларга қирон келарди. Ўққа учган итларни кўргандэ Хидир хира ошкора роҳат қиласар, оғзининг таноби қочиб, ялпоқ юзи ҳаддан зиёд хунук тус оларди. Аммо у қанчалик ҳаракат қилмасин, икки-уч ойдан сўнг қишлоқда яна кучук овозлари эшитилиб қолар, сал ўтмай бу жимитдек жоноворлар росмана итга айланарди. Хидир хира эса янаги ит отиш мавсумини сабрсизлик билан кутар ва ҳар сафар бу кунни зўр бир тантана билан бошларди.

У қишлоқ бошидаги Абрај чўлоқнинг итини отгандәёқ, Оқбўйин хавфни сезган эди. Сезгирик унга отаси Олапардан ўтган. Ана шу ўткир қобилияти туфайлигина Олапар бу хунрезликтан мана неча йилдирки, омон қолиб келади. Ҳавода порох ҳидини сезиши билан у қирга қочар, ҳафталаб ўша ерда жон сақларди. Лекин зурриётини қирилиб кетарди. Эндиликда Оқбўйиннинг бошига ҳам шу бало кўланка солмоқда эди.

Оқбўйин безовталанган сайнин ҳавода милтиқдори ҳиди кучая борди, ҳатто яраланган итларнинг аянчли акиллашлари ҳам элас-элас қулоққа чалина бошлади.

Ниҳоят хавфни она ит ҳам пайқади. Мудроқ кўзларини очиб ғингшиди. Худди шу пайт эшикдан Расул отилиб кирди. Дарсдан қочиб келганди у. Келасолиб Оқбўйинни бағрига босди-да, сомонхонага ўзини урди. Қишдан ортган сомон устига чиқиб, шифтга қадар тахланган беда боғларидан бирини суғуриб олди. Оралиқ-қа Оқбўйинни тиқишириб, бедабогини жойига қўйиб қўйди.

— Жимгина ёт! — деди.

Оқбўйин нима гаплигини тушунмаган бўлса-да, нафас чиқармай ётиш лозимлигини англади. Қоронгида ғимирлай-ғимирлай бир амаллаб жойлашиб олди. Бу ер қуруқ ва иссиқ эди. Беда орасидан алланималарнинг шитирлаши, чийиллаши эшитиларди. Дақиқалар ўтган сайнин унинг кўнгли гуссага тўла борди. Қизиқ, илгари ҳеч бунақа бўлмасди.

Расул ҳовлига чиқиб, энгил-бошини қоқар-қоқмас дарвозада Хидир хира кўринди.

— Сизда бир қанжиқ бор деб эшитдик,—деди у пешвоз чиққан Кимсан холанинг саломини жавобсиз қолдирб.

— Болалари бор, раҳм қилинг,—деди Кимсан хола ялиниб.

— Ит одаммидики, раҳм қилсанг.

— Болаларни отаси эшитса, хафа бўлади-я.

— Мен юқорининг бўйруғини бажарадиган одамман. Қўлимда қоғозим бор.

Хидир хира ичкарига қўйишни истамай турган Кимсан холанинг елкаси оша ҳовли юзига бир сира кўз югуртирди-да, сўнг уни четлаб ўтиб, томорқа эшигига юрди. Бўйини чўзиб қаради. Қейин қўшни эшикни итарди.

— Аҳ-ҳа, мана қаерда экан,—деди у хунук ишшайиб.

У ғингшиб ҳура бошлаган она итни мўлжалга олди. Қоқ пешанасидан ўқ еган ит «ванг» деганча оҳиста қулади, бир-икки оёқ силкиб жим қолди. Ин ёнида ўралашиб юрган Оқтўш ҳеч нарсани тушунмади, жонсиз танани айланиб ўтиб, думини қийпанглатганча Хидир хира яқинига борди. Хидир хира кўзи кучукда милтигини ўқлаётисиб, ёнида серрайиб турган шеригига — юзига ҳуснбузар тошган йигитга имо қилди.

— От!

Ит отувчилар эшик оғзида турганлари учун ташқаридагилар ичкаридаги манзарани кўрмас эдилар.

Шериги елкасидан милтигини олиб, Оқтўшга тўғрилади. Оқтўш баттар қийшанглаб, милтиқ милини искади. Бу йигитга қизиқ туюлди шекилли, пиқиллаб кулди. Хидир хира бўлақол дегандан сўнггина тепкини босди. Оқтўш чийиллаганча думалаб тушди. Ўқ теккан тутмачадай тумшуғини ерга ишқаб ғалати ҳаракатлар қилди. Йигит хоҳолаб юборди. Хидир хира унга қўшилди. Кулиб турган жойида нақ елкасига тушган зарбдан олдинга мункиб кетди. Базўр ўнгланиб, ортига ўғириларкан, эшикда дарғазаб турган Карим подачини кўрди.

— Нега ҳиринглайсан, тинчит! — деди подачи.

Хидир хира ундан чўчириди, шоша-пиша милтигини ҳамон жон талашиб ётган Оқтўшга тўғрилади. Отди. Оқтўш бир силкиниб жим қолди.

Карим подачи ўлиб ётган итларни ҳатлаб ўтиб ин ёнига борди. Эгилиб ичкарига қаради.

— Яна бири қани? — деб сўради ҳайрон бўлиб.
— Яна бормиди? — Хидир хира жонланиб милтиғини ўқлади. Атрофга жонсарак аланглади. — Қани? Қаерда?

Карим подачи Расулга юзланди.

— Арслон қани?

— Қанақа арслон? — бола елка қисди.

— Оқбўйинни сўраяпман.

— Ҳа, уми... отам кеча оқшом бир одамга бериб юборди.

— Бериб юборди?! — Карим подачининг кўзлари олайиб кетди. — Кимга бериб юборди?

— Қайдан билай.

— Менга бермай... ҳи-и, отангни...

— Яшириб қўйган чиқар, — Хидир хира теваракка синчков кўз ташлаб, болага юзланди. — Қаерга яширдинг? Барибир топиб оламиз.

— Яширган бўлсанг, айт, — Карим подачи Расулга яқин келиб, елкасидан тутди. — Қўрқма, бир тукига ҳам қўлини тегиздирмайман.

Бола баттар талмовсиради.

— Айтдим-ку, бериб юборди деб.

Карим подачи сўкиниб-сўкиниб чиқиб кетди. Унга бошқалар эргашди.

Оқбўйин ташқарида нимадир юз бераётганини ҳис этиб, бирор беш дақиқа жим ётди. Сўнг гўдаклигига борди. Хавфни унуди. Бош сиғарли оралиққа калласини тиқиб, ташқарига интилди. Интилган сайин бедабоғнинг қимирлай бошлаганини сезди. Оёқларига куч берди. Бедабоғ пастга ағдарилди. Оқбўйин қулақ тушидан базур ўзини тутиб, қуйига боқди. Кейин кетига тисарилди. Бир муддат сомонхона ичини кўздан кечирди. Шунда нимқоронги бурчақда нимадир ғимирлаётганини пайқади. Бошини у ён-бу ён қийшайтириб тикилди. Жимитдек сичқонча. Сал нарида яна биттаси юради. Қизиқиши ортиб, Оқбўйин беихтиёр олдинга талпинди ва сирғалиб пастга думалаб тушди. Ўзини ўнглаб, ошиғич ён-верига алангларкан, сичқонлардан дарак топмади.

Оқбўйин пилдираганча эшик ёнига борди. Тирқишига панжасини суқиб, эшикни тортқилай бошлади. Шу аснода нақ тумшуғи тагидан кирза этиклар гурсиллаб ўтди. Оқбўйин тешикдан мўралаб, бир гала ялангоёқларни ҳам кўрди. Акилламоқчи эди, бурчакда нимадир чийиллаб диққатини тортди.

Қадам товушлари тинар-тинаас, эшик оҳиста очилиб, Расул кўринди. Оқбўйинга кўзи тушиб, ҳайрон қолди: «Зўрсан-ку, — деди гоҳ кучукка, гоҳ тепага қараб. — Қайтиб тушдинг-а?»

Оқбўйин думини ликиллатиб, унинг оёқларини искади, ғингшиди. Ташқарига чиқди. Хидир хиранинг гўрига ғишт қалаганча ўчоқ бошида куйманаётган Кимсан холага ҳадикли бокди. Қечагидай қўлига таёқ олиб қувлади деб ўйлади. Йўқ, Кимсан хола унга қайрилиб ҳам қарамади, қозон-товоғи билан банд бўларкан, ичкарига қўйма, ҳовлида юрсин, деди.

Оқбўйин ҳовлига чиқиши ҳамон қол ҳидини туёди. Юраги ғаш тортди. Онаси томон ошиқди. Аммо Расул уни нари ҳайдади. Оқбўйин саркашлик қилиб турмади, писмиқланиб молхона томон юрган бўлдию Расул уйга кириши билан изига бурилди. Доимо ёпиқ турадиган эшик бу гал очиқ эди. Онаси одатдаги жойида әмас, сал берида яланг ерда чўзилиб ётарди. У билан ўйнашгиси келиб югурди. Аввало қонга беланиб ётган Оқтўшга дуч келди. Искаланди. Қейин турткилади. Иниси миқ этмади. Сарғиштоб қўзлари осмонга тикилганча қотиб қолган, чап кўзи теварагида каттакон пашша айланиб юрарди. Бу сир-синоатга ақли етмаган Оқбўйин онаси томон талпинди. Уни ҳам шу аҳволда кўргач, ҳайрон туриб қолди. Ботинқирамай акиллади. Аммо онаси шу қадар тош қотган эди-ки, лоақал бошини кўтаратай демади. Оқбўйин ҳали ўлимни тушунмасди. Тушуммагани учун ҳам шумлиги тутиб, онасининг пинжига суқилди, қизғиштоб эмчакларидан бирига оғиз солди. Билади, бундай дамларда онаси тинч ётолмайди, меҳри жўшиб бошдан-оёқ ялаб юлқайди.

Бироқ Оқбўйин музлаб бораётган эмчакни қанчалик тортқиламасин, онаси миқ этмади. Шунда у сўнгги чорани ишга солди, этга тишларини ботирди. Майли, онаси оғриқка чидаёлмай, елкасидан ғарчча тишлаб, четга улоқтиурсин, фақат бу тахлит ётмаса бўлди.

Шу пайт кичкина қўллар уни беозор тутиб эмчакдан айирди. Расул бўғзига тиқилган йиғини базўр ютиб, кучукни ҳовлига олиб чиқди. Эшикни зичлаб ёпиб, ғишттираб қўйди.

Ҳовлига бутунлай кўчиб ўтгандан сўнг, Оқбўйин тезда ҳаммасини унугди. Ҳовлида ўзини тўла хўжайин ҳис этиб, даставвал девор ошган қўшни хўроzinи қувиб солди. Қейин бир майдон товуқлар билан ўйнашиди, то бабақ хўроездан боплаб тепки емагунча, ҳовли бўйлаб

уларни тирқириатиб юрди. Аввалига изза бўлиб чекинмоқни эди қарасаки хўроз яна ҳезланмоқда. Шунда унинг чинакамига қаҳри қўзиди, бу турқи совуқнинг яхшилаб таъзирини бермоқчи бўлди. Акиллаганча дадил ҳужумга ўтди. Аммо хўроз бўш келмади, четга сакраб, нақ бошига иккинчи зарбани берди. Оқбўйин оғриқдан вангиллаб юборди. Лекин чекинишини хаёлига келтирмади. Ириллаган кўйи хўрозвнинг ҳар бир ҳараратини сергак кузатаркан, бирдан рақибининг ўнг қанотига човут солди, хўроз ўзини ўнглагунча бўлмай, тўлғаб четга улоқтириди. Шўрлик бабақ уч-тўрт юмалаб, зўрға оёққа қалқди-да, қақағлаганча ура қочди.

Оқбўйин оғзи тўла пат, ортидан акиллаб қолди. Бу унинг биринчи жанги, биринчи ғалабаси эди.

У ғалаба нашидасини суріб турганида, каттакон темир дарвоза тарақа-туруқ очилиб, бир қоп ун ортиган эшакни олдига солиб, ҳовлига Содиқ aka кириб келди. Оқбўйиннинг кўзи кўчага — нотаниш оламга тушди. Эҳ, дунё деганлари бунчалик кенг! У шитоб-ла ўша томонга интилди. Етай дегандা дарвоза шарақлаб ёпилди.

* * *

Оқбўйин илк бор кўчага чиққанида кўклам ўтиб, сараторнинг айни қайноқ кунлари бошланганди. Энди унинг овози раста тортиб, расмана итга айланган, келбатидан киши чўчиғулик эди. Чап қулоғининг чала кесилганию бўйнидаги оқини демаса, тусиу турқ-таровати қўйиб қўйғандай Олапарнинг ўзи, феъли ҳам мағур, сипо, ҳуда-бехуда акиллавермайди. Яна бир феъли — емиш танлайди, туриб қолган овқатга оғиз урмайди. Суякни яхши кўради, қанддан эса ҳузур қиласди.

Шу кунларда Оқбўйин тутқунликдан ҳам кўра иссиқдан беҳад азоб тортарди. Тушга яқин том кўланкаси чекиниб, у офтоб тифида қолар, то кун қайтиб, бордаги тераклар сояси ҳовли юзига тушмагунча жони минг азобда қийналарди. Гоҳида азбаройи чидаёлмаганидан тумшуғини кўкка кўтариб мунгли увлаб юборарди. Аммо унинг ноласини эшигадиган қулоқ йўқ. Бу пайтда Кимсан хола уйини қоронғилатиб, ширин тушлар кўриб ётган бўлади. Жонига ора кириши мумкин бўлган Расул эса мана ўн кундирки лагерда. Оқбўйин соя-салқин боғ эшигига илҳақ термулғанча қозиқ, атрофида беҳол, бемажол айланашдан ўзга чора тополмайди.

Салқин тушиши билан Оқбўйин кундузги азобни унутади. Дарвозага алаҳсийди. Бир ойча бурун, сокин туиларнинг бирида даштдан аллақандай итнинг маъюс увлашини эшитгандан буён у дунёнинг кенглигини, нақадар улуғворлигини англаб етган, девор ортидаги ҳаёт сирли кўриниб, дарвозага интилгани интилган эди. Айниқса, дарвоза очилган кезлари ўзини қўярга жой тополмай қолади: сакрайди, иргишлайди, акиллайди, ириллайди, гоҳо бўйини сиқиб турган арқонни ғажииди — халос бўлишга жон-жаҳди билан уринади. Дарвоза ёпилгач эса узала тушади-да, зилдай бошини оёқлари устига қўйиб, эркин бўлишига қарамай, ҳовлидан бир одим нари жилмайдиган товуқларни ҳайрат билан кузатади, емиш топиб, кўпинча ўзи қуруқ қоладиган хўроздинг қилиғига ҳайрон бўлади. Хўрозди жини ёқтирмайди, ялоғига яқин келса, қувиб солади.

Аслида хўроз туфайли тутқинликка тушганди у. Ўша кунги жанжални Кимсан хола кузатиб ўтирган экан, эри келгач, ваҳима кўтарди: «Эр,— деди итга бармоғини бигиз қилиб,— Иўқотинг буни! Бутун хўроздни еб қўйишига бир баҳя қолди. Ҳай-ҳайламасам, ебам қўярди. Худо бир асрениди. Иўқотинг! Қорасини кўрмайин!» Содиқ ака ишонмади, хотин зоти шу, гапни хамирдай кўпичитмаса, кўнгли жойига тушмайди. Ҳирсадай такани қочирган дакангга маймоқ нима бўпти. Бироқ сал ўтмай Оқбўйин яна қовун туширди, ҳовли юзида тинчгина донлаб юрган товуқларнинг ўтакасини ёриб, хўрозди тирқи-ратиб қувиб кетди. Боз устига шу кеч Карим подачи тагин келди. Расулни одобсизга чиқариб, яна Оқбўйинни сўради. Бу гал унинг зотини яширмади, бундай ит мингдан битта бўлишини, қўй эмас, қўзи эмас, бутун бошли тана беришини айтди. Рад жавобини эшитиб, қўзи қонга тўлди. «Тирик эканман, итингга кун йўқ», — деди.

Шундан бери Оқбўйин боғловда. Бошда роса тўполон кўтарди. Кейин кўнинкандай бўлди. Кундузги жон ўртар иссиқни демаса, ётар жойи соз — ҳовли бурчагидан чор атроф кўзга ташланиб туради. Зерикканда нимагадир алаҳсиши мумкин, айниқса, ҳовлида одам бўлганида тутқинлиги эсидан ҳам чиқиб кетади.

Бугун офтоб шу қадар забтига олдики, ортиқ бардош беришга Оқбўйин ўзида бўлак куч топмади. Фингшиди, ангиллади, акиллади, уч-тўрт бор кўкка боқиб чўзиб-чўзиб нола қилди. Кейин кутилмаганда қутуриб, арқонга ташланиб қолди... Бир оздан сўнг ҳовури пасайиб, бундай қарасаки, арқон узилай деб қопти. У

бундан қутулмоқнинг имконини кўрди, яна арқонга оғиз солди, гўё суяқ чайнагандай жон-жаҳди билан чайнади, тортқилади, чайнади — тортқилади. Илкис бир силтовордан арқон чирт узилди. Ярим қулоч арқонни судраб, томорқа эшиги томон йўналди. Ичкарида, ажриқ босган ариқчада, бағрини захга бериб қатор тизилишиб ётган товуқлар ёнида ғўдайиб турган хўroz уни кўриб ташвишга тушди. Оқбўйин унга эътибор бермади. Аллақандай хашаки жониворларга элакишидиган вақтдан ўтган, кўзи токнинг қуюқ кўланкасида, салқинда чўзилиб ором олиш истагида эди. Аммо томорқа эшигига етар-етмас, бирдан кўнгли кўчани тусаб қолди-да, изига қайрилди. Дарвоза ўртасидаги мўъжазгина эшикни туртиб очиб, ташқарига чиқди.

Кўчада жон асари кўринмас, сукунатни ариқдан оқаётган сувнинг шилдирашигина бузарди. Оқбўйин чанқовини қондиргач, тумшуқ ялаб кўчанинг ҳар икки тарафига қизиқсиниб назар солди. Ўнг ёндаги кўча адодидан дала кўзга ташланарди. У ўша томонга юрди. Кўп ўтмай бийдек даштга чиқди. Узоқда қўнгир қирлар ястанган, ундан нарида тоғлар... берироқда фермахона томи оқариб турарди. Ўша тарафдан итнинг эринибгина ҳургани эшитиларди.

Фермахонани қора тортган Оқбўйин энг четдаги ҳовли томондан ўқдек учиб келаётган қора итни кей... пайқади. Дастреб унга нисбатан душманлик сезмади, ҳатто уни учратганидан бир оз қувонгандай ҳам бўлди. Сокин тунлари қулогига чалинган ит овозини эслаб, ғингшиди. Бироқ ит яқинлашган сари унинг важоҳати бўлакчалигини, қўйиб берса еб-ютуб қўйишга чоги борлигини фаҳмлади. Нима қиларини билмай, бир муддат саросимада турди-да, сўнг жанжалга тоби йўқлигини билдириб, таҳдидли ириллади. Ириллаган кўйи йўлида давом этаркан, судралиб келаётган арқонни босиб, мункиб кетди. Бу орада жуда яқин келиб қолган қора ит унинг ҷалғиганидан фойдаланиб, кўкси билан уриб ўтди. Оқбўйин ағдарилиб тушди. Оёқлаб улгурмай қора ит унинг чотига чанг солди. Жони оғриган Оқбўйин вангиллаб юборди, ортиқ сусткашлиқ ҳалокат билан якунланишини идрок этди. Қони қизиб, ғазаби қўзиди. Безбет бу маҳлуқнинг адабини бермоқ ниятида санчиб ўрнидан турди.

Зум ўтмай қаршисида жунлари ҳурпайган, важоҳати ғоят даҳшатли бир йириқични кўрган қора ит ҳаялламай чекиниш лозимлигини англади. Аммо энди вақт

Ўтган эди. Угирлишга ултурмай нақ яғрининг Оқбўйининг ўткир тишлари ғарчча ботди. Бир пайтлар хўрзни сийкигандай; Оқбўйин уни икки-уч тўлғиб таппа тагига босди. Эди томоғидан олай деганда, қўлида узун калтақ, ҳай-ҳайлаганча югуриб келаётган кишини кўрди. Алаҳсиди. Қора итга худди шу нарса керак эди, даҳшатли жағ бўйнидан узилиши ҳамон жон ҳалнида тура солиб қочди. Эгасининг қаватига кириб қайта ҳужумга ўтди. Аммо Оқбўйин ортиқ пачакилашиб турмади, лўқиллаганча йўлида давом этди. Ен-верига таптуп келиб тушаётган тошу кесакларга парво қилмади. Тошлардан бирни қўймичига теккандан кейингина қадамни тезлатди. Шу кетишда ялангликда тўнтарилган дўппидеккина бўлиб турган янтоқзор дўнгликка етиб, бир оз нафас ростлади. Ҳадиксираб ортига ўгирилганда, қора ит том соясида чўзилиб ётар, эгаси кўринмасди. Сой томондан бир тўп бола чуғурлашиб келарди. Қишлоқдан елиб чиқсан юк машинаси уларни чангга кўмиб ўтди.

Кўриб турган нарсалари Оқбўйинга жуда қизиқ эди. Шу боис ҳар бир қорани диққат билан кузатар, айниқса отлиқ чол ортидан гижинглаб, иргишилаб бораётган қўнғиртоб тойчоқ унинг эътиборини жалб этди. У тойчоқнинг ҳаракатларига маҳлиё бўлиб турганида, оёғи остида нимадир шитирлагандай бўлди. Оқбўйин чўчиб нақ бир газ тепага сапчиди. Сапчиш мобайнинда биланглаб қочаётган каттакон сариқ илонга кўзи тушди. Ё, қудратнингдан, бу нимаси бўлди? У қизиқсиниб, илоннинг изидан тушди. Етай деганда диққатини сертиканак жонивор тортди. Типратиканлар тўртта эди. Мунроқдай қоп-қора кўзларини жовдиратиб, чор тарафга ўрмалаб чопардилар. Оқбўйин енгил сакраб бирининг олдини тўсиб чиқди. Типратикон уни баттар лол қолдириб коптоқдай юмалоқланиб олди. Тумшугига тикан санчилиб Оқбўйин вангиллаб юборди. Қайта искаланмоққа юраги чопмай, аланглаб илонни қидирди. Аммо у ерга синггандай ғойиб бўлганди.

Тинч ва сокин туюлган дўнгликда ҳаёт шу қадар қайнаб тошардики, Оқбўйин эътибор қилган сайин ҳайрати ошиб борарди. Гўнгконток юмалатиб бораётган гўнгўнғизга алаҳсийман деганда, диққатини бадбашара калтакесак бўлар, уч-тўрт одим ташлар-ташламас, чумоли карвонига дуч келар, сал ўтмай дала сичқони чийиллаб қоларди. Чигирткаларнинг-ку сон-саноги йўқ эди...

Оқбўйин бу ҳаётга тез кўниди. Уларга ортиқ эътибор бермай қўиди. Янтоқлардан холи ерга чўнқайиб, теварак-атрофни кузата бошлади. Фермахона томондан ит ҳурди. Овозида тажанглик акс этарди. Қора ит аламзада оҳангда жавоб қайтарди. Уртадаги мулоқотга қулоқ тутиб турган Оқбўйин фермахонадаги итнинг ёвқур табиатини ҳис этди. Қелбатини тасаввур қилолмаган сайнин унга нисбатан қизиқиши орта борди. Узоқдан бўлса-да турқуни бир кўриб қўйгиси келди.

У фермахона томон йўртиб кетди.

Манзилга ярим чақиримча қолганда, фермахонадан қора бир шарпа ажralиб, газабли акиллаганча ўқдек учиб кела бошлади.

Карим подачи тўғри башорат қилган эди, Малла ниҳоятда қопағон итга айланган, ферма атрофига тирик жонни йўлатмасди.

Табиий, туғишганлар бир-бирини танишмади. Бу мумкин бўлган ҳол эди. Нимага деганда ит зоти ҳам барча бошқа жониворлар сингари сна бағридан узилиши билан қон-қариндошларини унутади. Она бағрида кечган дамлар ўтмиш қаърига қайта эсламмайдиган бир тарзда сингиб, йўқликка юз тутади. Вақт ўз ҳукмини тез ўтказади. Мабодо, танишгандарни тақдиридаям ҳеч нарса ўзгармасди. Малланинг ўз ўйи, ўз олами бор — Карим подачи, ферма ва унинг атрофидаги ерлар... шундан бошқаси энди унга бегона. Ўз «мулк»нда тинчгина яшашдан ўзга нарсани истамайди. Гашига тегмаса, бирор билан иши йўқ. Лекин тинчини бузганни аямайди. Ахир «мулк» эгаси бўлгунча озмунча курашдими. Аввалига ўрта кўчадаги Бўйноқ билан қирпичоқ бўлишига тўғри келди. Кейин боя Оқбўйинга ҳамла қилган қора ит билан ташлашди. Охирида қўшни қўтон итлари билан беомон жанг олиб борди. Ҳозир улар Малланинг «мулк»ига дахл қилишмайди. Шунча жангу жадал билан қўлга киритган ерида аллақандай итнинг бемалол тентиб юришига, албатта, у чидаёлмайди. Ҳозир бориб шундай бир адабини берсинки, қайтиб бу томонларга доримайдиган бўлсин.

Одамларни истисно қилмаганда, Малла ҳар қандай «кељинди»ни тезда тартибга солиб қўяди. Фақат одамзодгина унинг тартибига бўйсунмайди. Аниқроғи, итларнинг ҳаёт тарзини биз тушунмаймиз. Тушунмаганимиз учун кўпинча итга таланиб юрамиз. Ер умумийдек туюлса-да, аслида у жониворлар томонидан кўз илғамас чегараларга бўлинган. Ҳар бир «мулк»да қатъий

тартиб ҳукм суради. Тартибни ким ёки нимаики бузса, у ўша «мулк» эгасининг қаттиқ қаршилигига дуч кела-ди. Эътибор берган одам уй итининг хуружи дарвоза-дан ўн-ўн беш одим берида тийилишини пайқashi қийин эмас. Демак, ҳовлию кўча юзигача бўлган маълум бир масофа ўша итга тегишли. Кўтон итларининг сарҳади эса бирмунча кенгроқ. Шу сабаб кўринган қорага улар бир чақиримдан от қўяди. Малла ҳам шулар тоифаси-дан.

Арлони итларнинг йўриғи эса бутунлай бўлак. Улар худа-беҳудага ёқалашиб юрмайди. Лекин уларнинг сарҳади ниҳоятда кенг бўлиб, одамзодга даҳл қилма-ган ҳолда ўз «мулк»идаги жамики жониворга зимдан ҳукмини ўтказиб келади. Оқбўйин айнан ана шундай итлар тоифасидандир. Аммо ҳозирча у фақат ўз ҳов-лиси билан чегараланганди. Эрксизлик Оқбўйиннинг ўз имкони ва қудратига яраша ҳаракат қилишига изн бер-май келарди.

Малланинг важоҳатини кўриши билан Оқбўйин бе-гона жойга қадам қўйганини фаҳмлади. Ҳайбатли бу махлуқ билан беллашмоқ осон кечмаслигини сезиб, ими-жимида изига қайтмоқчи ҳам бўлди. Лекин ички нима-дир бунга ройиш бермади. Ер тирнаб, ҳурди. Агар Малла ҳадаҳа от қўймай, пўлписа қилганида, Оқбўйин жўнаб қолиши мумкин эди. Тўполонга тоби йўқ, шу тобда у ташқи дунё таъсирида эди. Аммо энди Малла-нинг хуружи иззат-нафсига теккан, ора очди қилмас-дан туриб изига қайтишни хаёлига ҳам келтирмасди.

Оралиқ масофа қисқарган сайин Малланинг ҳайра-ти ошиб борарди. Нимага деганда, ўз тасарруфидаги бу ерларга билиб-билмай қадам қўйган ҳар қандай ит унинг қорасини кўриши билан жуфтак ростларди. Бу-ниси эса қочиш ўрнига ғўдайиб турибди. Келгиндини қонига белаш қасдида елиб келаркан, Малла ўта хафли рақибга рўпара келганини жуда кейин англади. Аммо энди қайтиб бўлмас, ҳатто бу ҳақда ўйлашнинг ўзи даҳшат эди. Энди бу ёғи таваккал эди. Чекингандан кўра ўлмоқ афзал.

Оқбўйин Малла ҳам қора ит каби запт билан уриб кетади деб ўйлади. Аммо итлар билан олишавериб пи-шиб кетган Малла етти-саккиз одим қолганда таққа тўхтади. Фазабдан қанчалик қутурмасин, у бундай дам-ларда ақлини йўқотмасди. Пайт пойлаб туриб рақиби-нинг нозик жойига човут соларди. Боз устига, Оқбўйин бутун вужуди жангга ҳозир ҳолда унинг ҳар бир ҳара-

катини ўта сергаклик билан кузатарди. Малла паст овозда ириллаганча унинг атрофини бир айланиб чиқди. Оқбўйин қилт этмади. Малла иккинчи қур айланишида, кутилмаганда чап томондан ташланиб қолди ва Оқбўйин ўзини ўнглагунча бўлмай, қулоғи остидан бир парча этни узиб олди. Оқбўйин қутуриб унинг томогига чанг солди. Бироқ Малла эпчил эди. Оқбўйин қай томондан, қай тахлитда ҳужум қилмасин, унинг ўткир тишларига дуч келаверди. Дақиқа ўтмай Оқбўйин учгўрт жойидан яраланди. Рақибининг эса бир тукига ҳам зиён етмади. Охир-оқибат Оқбўйин рақибини чалғитмасдан туриб бир иш чиқаролмаслигини англаб етди. Аммо чалғитиш учун қилган барча уринишлари зое кетди. Малла ҳийлагарликда ҳам устун эди. Оқбўйиннинг ҳар бир ҳамласига жавобан унинг баданида катта-кичик жароҳат изларини қолдиради.

Охири Оқбўйин бўлак ҳийланни ишга солди. Тикка ҳужумга ташланган бўлиб, Малла ўзини четга олиши билан яшин тезлигида қуйига шўнғиди-да, унинг орқа оёғига човут солди. Бақувват жағлар орасида суюкнинг қарсиллаб сингани эшитилди. У жағларини бўшатмай илкис сакраган эди, рақиби тўпиллаб остига келиб тушди. Бўғзига оғиз солган жойида Малла аянчли ангиллаб юборди. Итнинг ангиллагани — енгилтани. Оқбўйин енгил тин олиб четланди. Ортиқ ҳужумни ўзига эп кўрмай, Малланинг уч оёқлаб қочишини кузатиб қолди. Кейин ғолибона ҳуриб, теваракка мағрур назар ташлади. Дала-дашт энди унинг тасарруфига тушган, ер эгаси эса шармандаларча қочмоқда эди.

Карим подачи фермахона биқинидаги уйчадан милиқ кўтариб чиққанида, Оқбўйин бир-бир босиб қирга гомон борарди. У Оқбўйинни таниди, лекин отишга қўли бормади. Энсасини қашиганча итнинг изидан тикилиб қолди.

* * *

Оқбўйиннинг занжирбандлиги Расул лагердан қайтгунча қадар давом этди. Занжирга у Малла билан талашиб-тортишган куниёқ тушганди.

Расул қайтган куннинг эртаси Содиқ ака анчадан бери азоб бериб келаётган оёғини даволатгани саваторияга жўнаб кетди. У дарвозадан чиқар-чиқмас, Расул итнинг қошига келди. Қанд умидида тумшуқ ялаб, дум силкитаётган Оқбўйин бўйнидаги оғир темир ҳалқа бўй

шаганини сезиб, ҳүштөв тортди. Сал ўтмай темир ҳалқа оёқлари тагиға шарақлаб тушигач, бутун вужудида енгиллик түйди. Жалос бўлганига ишонмади шекилли ботинмайроқ олдинга бир одим ташлади. Одатдати қаршиликни сезмагач, яна бир қадам босди. Тўхтаб ёртига ўгирилди, ерда илондай чуваланиб ётган занжирга қараб қўйиб, улкан қоматини чўзганча ҳузур қилиб керишди.

Содик акани кузатиб кирган Кимсан хола бу ҳолни кўриб ажабланди.

— Иби, нима қиляпсан? Товуқларни битта қўймай қирсии дедингми?

— Товуқларингизга тегмайди, эна,— дея Расул унга ёлворувчан тикилди.— Мана кўрасиз, тирногини ҳам тегизмайди.

— Отанг кетиб... сулаймон ўлди, девлар қутулди бўпти-да, а? Қани кўп шитрамай, итни жойига боғла! Йўғасам, ҳозир тоғангга айтиб, изини қуритаман.

— Товуқларингизга тегар бўлса, ўзим изини қури-таман,— деди ялиниб Расул.— Бир гал қўйиб кўрай-лик...

— Бас, кўп гапирма!

— Хўп дея қолинг. Мана, кўрасиз, айтган ишингизни ҳаммасини қиласман.

Ўртадаги можаро ўзи туфайли эканини Оқбўйин дар-ров фахмлади. Доимо нимадандир норози, сира чакаги тинмайдиган бу аёлга адоваратли тикилди. Бир хаёли во-вуллаб қўрқитмоқчи ҳам бўлди. Аммо унинг қўлидан еган овқатлари эсига тушиб, ўзини босди.

Расул дам-бадам қанд билан сийласа, аёл ёрта-кеч овқатига қарайди, сувидан хабар олади. Баъзиларга ўхшаб таъбига ёқмаган нарсаларни тиқиширавермайди. Онда-сонда бўлса-да, яхши сўзини аямайди. Фақат бир айби товуқларини еру кўкка ишонмайди. Фаросат-сиз бу маҳлуқларнинг дастидан кунда ҳовлини икки-уч қайта супурса-да, уларга меҳри шу қадар баландки, ўлақолса, симтўрни раво кўрмайди. Тутқунликда то-вуқнинг тухуми бемаза, тўши этсиз бўлармиш. Бу гап қанчалик ҳақ, қанчалик ноҳақ — номаълум, лекин то-вуқлар туфайли уйда бот-бот жанжал чиқиб туради. Содик ака баъзидан тўсатдан тутақиб, товуқларни ҳовли четидаги симтўрга ҳайдаб қолади. Кимсан хола ҳай-ҳайлаб ўртага тушади. Бунга сари уй эгаси баттар бў-рилади: «Буларнинг дастидан ҳовли юзига оёқ босиб бўлмай қолди-ку,— дейди товуқ тезаги ёпишган оёғими

ерга ишқаб.— Гап шу, ё симтўрда асрайсан, ё ҳаммасини битта қўймай қираман, сўяман, тамом-вассалом». Қимсан хола: «Бозорда бир чакса гўшт фалон пул... кунимизга яраб турган шулар-ку», дея шартта оғзига уради. Газабдан қизариб-бўзарib турган Содиқ ака бирдан ҳалимдек юмшаб, лекин шу... ҳовлини пес қилгани ёмон-да, деб қўяди. Жанжалнинг интиҳоси кўпинча бир товуқ билан якун топади. Эти уларга, суюги Оқбўйинга. Товуқ устихони мўрт, чайнаб улгурмай, оғзида эриб кетади. Оқбўйин суюк чайнагандай бўлмайди, сўлак оқизгани қолади, холос. Шунга қарамай, товуқ зотига бежо қараш яхшиликка олиб келмаслигини Оқбўйин аллақачон англаб етган, шу сабаб уларга тирғалмасликка тиришади.

Ҳозир ҳам Расулга эргашиб, дарвозага йўналаркан, товуқлардан узоқроқ юришга интилди.

Кўчага чиқиши билан водопровод ёнида бир тўп қизларни кўриб саросимада қолди. Бунча одамни умрида биринчи бор кўриши эди. Дафъатан ўзини тошбўрон қилган кимса эсига тушиб, вовулламоқчи бўлди. Аммо кўча ўртасига етган Расул чақириб, диққатини бўлди. Оқбўйин қизларнинг безиёнлигини пайқаб, хийла хотиржам тортди, Расул томон юрди.

Хиёл ўтмай кўнглидаги ҳадик батамом ариди. Негаки, ўткинчилар беозор эди. Ҳатто чоғроққина эшик ёнидаги ўриндиқда ўғилласини тиззасига олиб ўтирган баҳайбат бир йигит уни эркалаб чақирди, боласига кўрсатиб, алланималар деди. Бунга жавобан Оқбўйин думини ликиллатиб қўйди.

Салдан сўнг қишлоқ биқинидаги тутзор оралаб бориб, бийдек бедапояга чиқдилар. Орқароқда қолган Оқбўйин суви қуриган ариқдан ҳатлаши баробар ҳайратдан донг қотди. Не кўз билан кўрсинки, қаршисида ўзга бир олам ястаниб ётарди. Ҳавода хушбўй пичан ҳиди анқир, тоғ бўйи пичан ортилган олисдаги машина атрофида одамлар ўймалашар, чап тарафдаги пахта пайкалидан аёлларнинг шовқини эшитиларди. Йўлда лойга тиқилиб қолган трактор ёнида бир йигит қўл сермаб, кимнидир кўмакка чақиради...

Расул бедапоя четидаги яккам-дуккам йўнгичқаларни шатур-шутур ўра бошлагач, Оқбўйин манзилга етганини англади. Тут соясига бориб чўзилди. Боланинг нимадандир қаттиқ хавотирда эканини пайқаб, сергак тортди. Аммо бир оздан сўнг оғир юж остида базўр ўрмалаётган машинага алаҳисиди. Янги оламнинг бу

Ғалати мўъжизаси унга жуда қизиқ туюлди. Унинг бир зайлда гувиллаши қулоғига ёқмай, пишқириб қўйди. Бир пайт машина оғир чайқалиб, улар томон бурилди. Оқбўйин ирғиб ўрнидан турди. Тишларини иржайтириб ириллади. Ҳайтовур машина ўнгга қайрилди. Дала четидаги йўлга тушиб олди-да, ортидан қуюқ чанг кўтариб, пастга эниб кетди. Оқбўйин унинг нималигинга ақли етмай қолаверди.

Оқбўйин тутзордан чиқиб келган отлиқни кеч илғади. Бошда эътибор бермади, сўнг қарасаки, отлиқнинг келиши бежо. Бунинг устига, Расул ранг-қути ўчган кўйи ўрган ўтини ошиғич йигмоқда эди.

Шитоб билан келган қоровул тутақиб сўкинганча Расулга қамчи ўқталди. Кейин от устидан эгилиб, узун пичоги билан арқонни кесиб юборди. Боғлам от оёғи остида топталиб, ҳар томонга сочилиб кетди. Шундан кейинингина Оқбўйин ҳали Расулнинг нимадан хавотирланадётганини фаҳмлади. Ётган жойидан ўқдек отилиб чиқди. От ҳуркиб, қоровул эгардан учуб тушай деди. У ўзини базўр тутиб қоларкан, ғазабдан афти буришиб, юган қайишини кескин тортди-да, итнинг устига от солди. Оқбўйин ер тирнаб нақ от бўйи сакради. От пишқириб юборди. Иккинчи ҳамладан сўнг шаталоқ отиб қочди. Эгасининг барча уринишлари бесамар кетди.

Оқбўйин уларни дала четигача қувлаб борди.

Шу соатдан эътиборан Оқбўйин боланинг яқин ҳимоячисига айланди. Ундаги бу хусусият табиий майл туфайли юзага келганди. Нимага деганда, жониворлар, айниқса, ит зоти кимгадир меҳр қўймасдан яшолмайди. У атрофидагилардан бирини танларкан, умр бўйи бор меҳру садоқатини ёлғиз ўша одамга бағишлийди. Албатта, бунинг учун аввало итнинг муҳаббатини қозонмоқ лозим.

Итнинг болага меҳри қанд туфайли эмасди. Агар гап егуликда бўлса, эрта-кеч томоғига қарайдиган бирдан-бир одам Кимсан хола эди. Аммо ҳамма гап шундаки, аёлнинг бутун хатти-ҳаракатида миннат, энг ёмони зарурият сезилиб турди. Содик аканинг муносабати ҳам шунга яқин. Фақат Расулгина болаларча меҳр билан севади уни. Суйкалишни жинидан ёмон кўргани туфайли Оқбўйин баъзан ўз меҳрини қай тарзда ифода этиши билмай қийналарди. Бугун эса шунга имконият туғилди ва бундан бутун вужуди беҳад яйради. Илк бор ўзининг кимгадир кераклигини ҳис этди.

Шу тариқа, Расулга тирғаладиган қимса Оқбўйиннинг ўтли ғазабига дуч келадиган бўлди.

Орадан уч кун ўтиб, ўзидан кичик болаларга зуум қилишни яхши кўрадиган Абдували качал буни ўз бошидан кечирди.

Улаш бобонинг томорқаси адогидаги қуриган ариқ болалар тўпланиб турадиган жойлардан бирй эди. Ариқ туби майин қум, сал ковланса, намланади. Нам қўмдан ҳар турли шакллар ясаш мумкин. Расул қўмдан ғаройиб қасрлар ясашни яхши кўради. Ўругун ҳам у ўртоқлари билан антиқа қаср ясаб, теварагини девор билан ўради. Навбат дарвозага келгандা, ариқ лабида Абдували качал пайдо бўлди. Анча нарида бағрини қумга бериб ётган Оқбўйинни пайқамади, совуқ тиржайганча тўғри қаср устига сакради. Ҳозиргина болаларнинг кўзини яшнатиб турган қаср ер билан яксон бўлди. Бошқалар юрак бетлаб бир нима дейишолмади, лекин Расул чидаб туролмади, Абдували качалнинг бикинига боллаб мушт туширди. Абдували качал вуй, энангни, дея уни қумга босди. Кутимаганда кўзи тепага кетиб, бўкириб юборди. Кейин думбасини чангалилаганча қочиб қолди.

Тушдан сўнг Расул итни чўмилишга олиб борди. Сой соҳилида болалар гужон эди. Оқбўйин болалардан ҳадик олиб берироқда қолди. Чўнқайганча болаларни ҳайратомуз кузата бошлади. Болаларга алаҳисиб, Расулни кўздан йўқотди. Хавотирли фингшинганча атрофга аланг-жаланг қаранди. Аммо катак кўйлаклни бола ҳеч қаерда кўринмасди. У безовталаниб вовуллашиб юборди.

— Оқбўйин, бери кел.

Ит таниш овоз келган томонга ўгирилди. Буни қарангки, Расул ярим яланғоч ҳолда шундоққина қаршисида турган экан. Оқбўйин тинчланди. Яна йўқотиб қўйишдан чўчиб ундан кўзини узмади. Расул чопиб бориб сувга калла ташлаганда, у тагин безовталанди. Ҳадеганда кўринавермагач, югуриб сой бўйига келди. Бола ўн-ўн беш қулоч нарида бир кўриниш бериб, яна ғойиб бўлганидан сўнг, ўзини сувга отди. Оқбўйин умрида сузиб кўрмаган, сув юзига қалқиб чиққанида, дастлаб нима қиласини билмади. Кейин сёқларини беихтиёр ҳаракатлантириб, тумшуғини олдинга чўзганча жон-жаҳди билан суза кетди. Шиддатли оқим уни қўйига суриб борарди. Кўп ўтмай сой ёйилиб оқсан жойда тиззасигача сувга ботиб турган Расулни кўрди. Салдан

кейин оёқлари ерга тегиб, у енгил нафас олди. Болага әргашиб соҳилга чиқди.

Оқбўйиннинг бу қилиғи ҳамманинг эътиборини тортган эди, бир зумда атрофини болалар ўраб олишди. Юраклироғи ботиниб-ботинмай силаб-сийпашга ҳам улгурди.

Тезда у болалар билан илакишиб кетди.

Шу зайлда унинг кунлари бир хилда, лекин нашъали кеча бошлади. Пенсингача ўт юлишга боришади. Кейин бошқа майдо-чўйда юмушлар. Айни тушда чўмилишга жўнашади. Баъзан у ерда кечгача қолиб кетишади. Кундалик сайд ва совуқ сувдан Оқбўйиннинг мускуллари тобланиб, бақувватлаша борди. Кўркам келбатини кўрган одам ундан кўз узолмай қоларди.

Сўнгги пайтларда Оқбўйин ўзига нисбатан ғаразли қарашларни ҳам илғай бошлади. Бири — қоровул, иккинчиси — Карим подачи. Карим подачи қоровул каби очиқдан-очиқ адоват билан тикилмаса-да, боқишиларида пинҳона ғазаб ва ҳасад яширин эди. Аввалига подачи итни ўзига ийдирив олишга уриниб кўрдию, ҳаракатлари бекор кетгач, қўйнига тош солди, ҳар кўрганда, ҳап сеними, дея ич-ичидан янадиган бўлди. Оқбўйин эса мутлақо бепарво, кунларини мағрур ва масрур ўтка зарди. Бора-бора қишлоқдаги жамики итларни ўзига бўйсндириб олди. У бор жойда ҳар қандай ит думини қисарди.

Шунга қарамай, Оқбўйиннинг ғашига тегадиган нарсалар ҳам йўқ эмасди. Кундузлари-ку уччалик билинмасди, лекин кеч тушиши билан Малланинг акиллашлари баралла эштиларди. Овозида дағдаға, дағдағадан ҳам кўра таҳдид оҳанги кучли эди. Бу нарса Оқбўйиннинг жиғига ёмон тегарди. Бориб овозини ўчирмоққа ҳарчанд уринмасин, болани ёлғиз ташдаб кетолмасди. Назарида, ҳовлидан бир одим нари жилиши билан болага бирор кори ҳол бўладигандек туюларди. Ундаги бу жонсараклик Расулнинг тайин-бетайнин қилиқлари туфайли юзага келганди. Ити қаватига кирганидан берин бола тенгқурларинигина эмас, ўзидан бир неча ёш катта болаларни ҳам менсимай қўйганди. Ёнида ҳарлаҳзада шай ити турганидан кейин ким ҳам юрак бетлаб бир нима дея оларди. Аммо шунга қарамай, гоҳида унинг ҳам адабини бериб туришарди...

Айниқса, ўтган ҳафтадагиси ёмон бўлди. Абдували качал анчадан бери Расулга кек сақлаб юрарди, кутилмаганда мактабнинг ёнида йўлини тўсиб чиқди.

Албатта, бет бўлишдан аввал ўнгу сўлига қараб, Оқбўйиннинг бор-йўқлигини аниқлади. Бу пайтда Оқбўйин муюлишдаги дарвозаҳонадан югуриб чиқсан, момиқ пахтадек оппоқ, жимитдек кучукчанинг журъатидан, аниқроғи, безбетлигидан ҳайрати ошганича кўча бўйидаги сомон ғарами ортида турарди. Бир туртқилик ҳоли бор жониворнинг чиранишларини кузатаркан, туйкусдан узоқдан Расулнинг бўғиқ қичқиригини эшилди. Жон ҳалипда ўша томонга югурди. Нақ тумшуғи тагида ўралишаётган кучукча унинг элкинидан ўмбалоқ ошиб кетди.

Абдували качал қоровулхонага бекиниб, базур қутулиб қолди.

* * *

Ниҳоят бу кеч унинг сабр косаси тўлиб тошди. Ортиқ бардош беришга ўзида бўлак куч топмади. Супада ухлаб ётган болани кўзи қийиб-қиймай, девор ошиб кўчага чиқди. Кўчадан далага. Қатта ариқ бўйига етиб бир зум тўхтади. Ариқдан нариёғи Малланинг тасарруфидаги ерлар. Худди шуни таъкидлагандек фермахона томондан Малла ҳурди. Овозида якка ҳокимликка даъват қоришиқ. Айнан шу нарса Оқбўйинни фермахона томонга тортарди.

Тун ойдин. Малла қишлоқдан узилган қорани узоқданоқ пайқади. Овозига ҳайрат инди. Қизиқ, унинг ерига қадам қўймоққа журъат этган ким бўлди экан? Азбаройи тутаққанидан бўғилиб қолаёзди. Кутуриб олға интиларкан, ярим йўлга етмай, беихтиёр тўхтади. Қайси кўз билан кўрсинки, қаршисидан ҳов бирда оғини синдирган баҳайбат маҳлуқ келарди. Малла талвасада туриб қолди. Жон ширин, лекин жондан ҳам... Иўқ, ўз ерида бегона итнинг эмин-эркин юришини кўргандан кўра... Зеро қайтиб кетса деган умидда Малла ер тирнаб жон-жаҳди билан ҳурди. Бироқ рақиби пинак бузмади, лоақал ириллашни ўзига эп кўрмади.

Малла нима қиларини билмай таҳлика оғушида тураркан, шу пайт фермахона томондан эшикнинг ғижирлаб очилиб-ёпилгани элас-элас эшитилди. Шунда у бирдан енгил тортди. Рақиби кўзига ортиқ даҳшатли кўринмай қўйди. Нима қилишини у энди яхши билади. Оқбўйинни чалғитиб, фермахона биқинидаги уйча яқинига олиб борса бўлди, қолганини Карим подачи эплайди. Ҳафта бурун қўшни қишлоқдан улоқиб келиб

қолган каттакон сариқ итнинг қуни ҳам шу тариқа битган эди.

Малла калта-калта ҳуриш билан подачини воқеадан огоҳ этганича секин-аста чекина борди.

Оқбўйин — содда, фирибни сезмади. Итиқом туйғуси вужудини шу қадар забт этган эдики, пастак эшикнинг қия очилганини кўрса-да, эътибор бермади. Маллани деворга сиқиб бораркан, одатдагидек, ҳамла олдидан бир зум тўхтади. Шу дам эшик оғзида ўт чақнаб, ўқ овози қарсиллади. Яғринига чўғдек қадалган зарбдан Оқбўйин йиқилди. Димоfiga ўша таниш милиқдори ҳиди урилиши билан даҳшатга тушиб, сакраб турди. Оғриқдан ҳам кўра кутилмаган бу ҳодисадан қўрқиб кетган Оқбўйин рақибининг аёвсиз таловлари остида шармандаларча қочди.

* * *

Баданидаги тиш излари тез битиб кетдию, лекин ўқ тешган жароҳатига қурт тушиб, беҳад азоб чека бошлади. Овқатга қарамай қўйди. Ўн кун ичидан аввали келбатидан асар ҳам қолмади.

Ота ҳали қайтмаган, онанинг ит билан иши ўқ, ёлғиз Расулгина унинг дардига шерик, ўзи билганича, қўлидан келганича муолажа қиласарди. Олдинига кул сепиб юрди, кул ҳам фойда беравермагац, аллақаердан бир шиша қуюқ қорамтири, қўланса дори топиб келди. Аммо дориниям ёрдами тегмади. Итнинг аҳволи кундан-кунга ёмонлаша борди. Охир-оқибат Расулнинг мол дўхтири — Салом паканага бориб ялинишдан ўзга чораси қолмади.

Салом дўхтири томорқасидан топди. У икки ишёқ-мас ўғлини пиёз ўтоққа қўйиб, ўзи картошка чопаётган экан. Отанинг кайфи бузуқ, болаларининг қовоқлари қизарган, каттарофининг яланғоч сонида чивиқ излари шундоққина кўзга ташланиб турарди.

Расул яқинроқ боришига юраги бетламай турганида, Салом дўхтири уни кўриб қолди.

— Нима керак?

Расул қимтинибгина унга яқинлашди.

— Қучугимиз ўляпти,— деди томоғига йиги тиқилиб.

— Нима қиласай шунга? — Салом дўхтири ҳайрон бўлди.

— Тузатинг... тузатиб беринг.

— Ал — ҳайратдан Салом дўхтирининг қошлари ке-

рилди. Бу боланинг эси жойидами ўзи деган маънода унга бошдан-оёқ тикилди. Шу дамғача унга ҳеч ким итим касал деб келмаган. Аллақандай ўлакса ўлоқчаси оғриганда унинг эшигига танда қўядиган одамлар ити дардга чалинганда парво қилишмас, нари борса, жони қийналмасин, дея бирор жар-парга чиқариб отиб ташашарди.

— Агар хўп десангиз, эвазига пиёзингизни ўтаб бермана,— деди Расул ялинчоқлий билан.

Салом дўхтир энди унга айрича қизиқиц билан тикиларкан, димоғида ҳи-им, деб қўйди.

— Тузатинг... ҳар куни даладан сигирингизга ўт юлиб келаман.

Салом дўхтир иш деса том ошиб қочадиган ўғилларидан куйган эмасми, боланинг бу гапи фавқулодда меҳрини қўзғатиб юборди.

— Ановиларга қарашиб юбор-чи, кейин бир гап бўлар,— деди кулимсираб.

Расул ҳаш-паш дегунча икки пол пиёзни ўтаб ташлади.

— Ана, кўрдиларингми, қанақа ишлаш керак,— деди Салом дўхтир ўғилларига ҳўмрайиб. Сўнг Расулнинг елкасига енгилгина шапатилади.— Баракалла! Қани кетдик.

Расул итни боғлагач, Салом дўхтир Кимсан холага чилвир олиб чиқиши буюрди. Кимсан хола ҳайрон: «Товба, ит молмидики, дўхтир кўрса. Шу Саломниям ёш бола феъли бор-а».

Расул дўхтир айтгандай қилиб итнинг оёқларини куллаклади. Оқбўйин қаршилик кўрсатмади, зеро бунга ҳоли ҳам йўқ эди. Тақдирига тан бергандек, бир алпозда ғингшиб ётаверди.

Салом дўхтир итнинг тумшуғини тасма билан сириб боғлагач, каттакон қора сумкасини очди. Бошда жароҳатни обдон кўздан кечирди, сўнгра қўлидаги ялтироқ тифни шартта ярага ботирди. Оқбўйин бор вужуди билан титраб кетди. Улкан бошини кўтариб турмоққа интилди.

— Лалаймай, бошидан тут!— дея буюрди Салом дўхтир.— Устиға миниб ол!

У имиллаганчя ярадаги қурт ва сочма ўқларни битталаб тераркан, Оқбўйин устидан Расулни итқитиб юбормоққа интилар, тўлғанар, иғлар, ғингшир, Салом дўхтирга еб-ютиб қўйгудек тикиларди.

Ниҳоят Салом дўхтир жароҳатини боғлаб, ўрнидан

қўзғалди. Пешона терларини билаги билан сидираркан, чоғроққина шишадаги қорамтири дорини болага тутқазди.

— Кунда уч маҳал сурасан. Айтганча вақти-вақти билан ярасига сийиб турсанг ҳам бўлади. Ҳа, нимага ишишайсан? Вой-буй, уялиб қетдиларми? Сени қараю, бунинг нимаси уят. Агар билсанг, сийдик энг яхши малҳам, тез қотиради. Жароҳатига тили етганида сен билан менга куни тушиб турмасди, ялаб-юлқаб ўзи тузатиб оларди.

Ҳафта ўтиб, жароҳати хийла битган Оқбўйин ов-овдан овқат ейдиган бўлди.

Кувватга кирган сари ўша машъум кечакотирида тобора равшанроқ жонланга бориб, Маллага нисбатан адовати беҳад кучайди. Боз устуна, кейинти вақтларда Малла баттар ҳаддидан ошган, гоҳида унинг овози шундоққина қишлоқ ёнидан, кўчалардан эшитилиб қоларди. Шуниси қизиқки, унинг саси чиқиши билан қишлоқ итларининг овози майин тортар, ёки бутунлай ўчар, ҳатто ялтоқли акиллашларни ҳам эшитиш мумкин эди.

Маллага нисбатан зимдан куч тўплай бошлаган Оқбўйин эндиги учрашув сўнггиси бўлишини ич-ичидан сезар ва шу куннинг келишини бетоқат кутарди.

У зориқиб кутган вақт етиб келганида, барглар сарғайиб, ҳаво хийла салқин тортганди. Энди Расул ҳовлида эмас, уйда ухларди. Шунга қарамай, Оқбўйин туналарини дераза ортида ўтказарди. Эски одатини ҳануз тарк этмаганди у. Ит бир нимага одатландими, уни ҳеч кандо қилмайди.

Бугун у деразада шуъла сўниши билан девор ошиб кўчага чиқди. Ғўзапоя ғарами ёнида қўшни чит — Тўрткўзга рўпара келди. Тўрткўз ғажиб турган суюгини ташлаб, думини ликиллатганча уни дўстона қаршилади. Ялтоқланиб искаланди. Оқбўйин уни ёқтириласди, ортидан зергашганди, чириллаб берди: йўқол қўвимдан! Тўрткўз ғингшиб қолди. Оқбўйин ариқ бўйига етиб чўнқайди. Муздек елга юз тутиб, жид олди. Малланинг маккорлиги эсида. Тўғри босиб боришига юрати чопмади. Тадбир қидирди. Аммо минг бош қотирмасин, миясига жўяли бир фикр келмади. Аламидан увлаб зоборди. Узоқдан Малла ҳурди. Шундан сўнг Оқбўйин гаваккалига олма юрди. Салдан жейин ўзи томон шиғаб желаётган Маллани илғади. Вужуди ғазабга тўлиб, қадамини певлатди. Бироқ Малла югуриб келаётгани жойида тақа-тақ тўхтади. Оқбўйин илдамроқ

Ҳаракат қилганди,, у шартта изига бурилди-да, қоча бошлади. Оқбўйин хатосини тезда фаҳмлай қолмади. Қачонки, Малла ўтган галгидек калта-калта ҳурганича кимнайдир кўмакка чақираётганини англагачгина, яна фириб ишлатаетганини пайқади. Тўхтади. Малла эса ертириб ҳурганча жигига тегишида давом этди. Оқбўйин илгари боришга юраги бетламай бирлас ҳардамхаёл туаркан, ноилож изига қайрилди. Шунда Малла тұсатдан ташланиб қолди. Оқбўйин ўғирилиши билан яна ура қояди. Қувиб етолмаслигига кўзи етгач, Оқбўйин қишлоқ томон юрди. Малла кетидан қолмади, чотидан олгудек бир важоҳатда эргашиб келаверди. Шунда Оқбўйиннинг кўнглига шумлик оралади. Аввалига лўкиллади, сўнг чинакамига қочган бўлди. Ариққа юз одимча қояганда, Оқбўйин шартта изига бурилди-да, яшин тезлигида унга ташланди. Малла ўзини ўнглагунча бўлмай, Оқбўйиннинг ўткир тишлари бўғзига қадалди. Қайноқ қон ҳидидан қутуриб кетган Оқбўйин зумда униражиб ташлади. Кейин сал четланиб, рақибининг жон талвасасида тўлғанишларини голибона кузатиб турди. Маллацинг сўнгги ноласи қанчалик аянчли бўлмасин, кўнглида унга нисбатан тариқча шафқат сезмади. Қайтанга ғалабадан сармаст ҳолда жасад атрофини учқур айланиб чиқди. Сўнгра қишлоқни бошига кўтараётган ариқ бўйидаги итлар тўдасига эътибор бермай, бир-бир босганча тепалик сари юрди. Шунга қарамай, кўнглининг бир чети ҳануз хира эди. Зафар завқидан тўла баҳраманд бўлишга нимадир ҳалақит берарди. Нималигини билмаган сайин хуноби ошиб, охир-оқибат увлаб юборди. Увлаш баробарида фермахонага кўзи тушаркан, шундагина нимадан дилгирлигини англаб етди.

Фермахонада шундай бир куч яширин эдики, Оқбўйин шакл-шамойилини тўла тасаввур этолмаса-да, қарсиллаган овози, кўз олгувчи шуъласи, ёқимсиз ҳиди, куйдирувчи зарбидан ғоят даражада даҳшатли нарса эканини фаҳмлади. Унинг нималигини кўрмасдан, билмасдан туриб бундан кейин бирон дақиқа ҳам хотиржам юролмаслигини ҳис этган сайин ташвиши ортиб, кўнгли гуссага тўлиб бораради. Қизиқ, нима экан у?

Оқбўйин табиатан қанчалик жасур ва довюрак бўлмасин, узоқ иккиланишдан кейингина бир қарорга келди. Тепаликдан тушиб ҳар бир қадамини ўта эҳтиёткорлик билан босганча фермахона томон юрди. Фермахонага яқинлашгач, чўзилиб ётганича теварак-атрофни

узоқ кўздан кечирди. Қатор дарчали оппоқ девор орти-
даги молларнинг шовуруни илғагач, ер бағирлаб бориб,
чарчалардан бирига яқинлашди. Очиқ дераза рахига
панжаларини қўйиб, ичкарига мўралади. Димоғига ўт-
кир шиптири ҳиди урилди. У бу ерда узоқ қолмади. Де-
вор ёқалаб уйча томон борди. Ярим йўлга етмай янада
сергак тортиди. Тўмшуғини чўзиб ҳавони исқади. Уша
таниш миљтиқ дори ҳиди уйча тарафдан келмоқда эди.
Шу кеч Карим подачи ўқ ясай туриб, бир чимдим дори-
ни ёқиб кўрганди. Текширмаса бўлмайди, намиқкан
дори панд бериб қўйиши мумкин... Оқбўйин ҳидга эр-
гашиб эшиккача келди. Бу ерда дори ҳиди бошқа ҳид-
ларга қоришиб кетганди. Ичкаридан эшитилаётган хур-
рак овозини тинглаган сайн ўша сирли ва даҳшатли
куч бутун борлиғи билан кўз ўнгидага гавдалана бошла-
ди. Сирли куч ҳеч кутилмаганда одам боласи бўлиб
чиққанидан Оқбўйин ўзида йўқ қувониб кетди. Одам
боласи билан тенглашиб бўлмаслигини у аллқачон анг-
лаб улгурган. Дунёда инсонгина истаган ишини қила
олади — хоҳласа, бўйнига занжир солади, хоҳласа,
оёқларини куллуклаб, этини бурдалайди, хоҳласа... Хул-
лас, энг яхшиси, улар билан пачакилашмагани маъ-
кул. Тегмасанг, тегмайди.

Оқбўйин йўлни тўғри Сариқтепага солди. Осмон
тўла юлдузларга боққанича ўзга оҳангда увиллаб юбор-
ди. Пастда қорайиб турган қишлоқдаги итларнинг уни
ўчди. Лоақал бирортаси пўписага ҳурмади. Тўртинчи
ё бешинчи улишидан сўнггина Тўрткўз ялтоқланиб жа-
воб қайтарди. Кейин унга бошқа итлар қўшилди. Гўё
улар янги «ҳукмдор»ни олқишилашар эди.

* * *

Карим подачи билан юзма-юз тўқнашув орадан ҳаф-
та ўтиб, Элдор туфайли содир бўлди.

Отасидан Малланинг фожиасини эшитган Элдор
Оқбўйинга беҳад кек сақлаб келарди. Табиий, итга бет
бўлишга журъати йўқ. Бор бўлган тақдирдаям нима
қила оларди денг? Ҳирсдай итга калтак ўқталиб бўл-
маса, тош отсанг, таппа босиб таласа. Милтиқ ҳақида
эса ҳатто гап бўлиши мумкин эмас, яроғ билан ўйнаш-
ган болани Карим подачи ёмон кўради, ҳадаҳа қамчи
остига олади. Шу тарзда боши қотиб юраркан, бугун
тасодифан уларни кўчада учратиб қолди. У кўп ўйлаб
турмай, қочиб кириш осон бўлсин дея, дарвозани қия

очиб қўйди-да, қўни-қўнжини тошга тўлғазиб, кўча бўйига чиқди. Тепкилаб хазонбарг тўлғазилган оғир қоп остида бурни ерга теккудек мунқайиб келаётган Расулии ўтказиб юбориб, сал ортда бораётган Оқбўйинни тошбўрон қилишга тушди. Тоши тегар-тегмас, Оқбўйин тишларини даҳшатли равишда иржайтирганча унга ташланди. Элдор дарвоза томон қочди. Ярим йўлда қоқилиб ўмбалоқ ошиб тушди. Қўрққанидан чинқириб юборди. Чинқирганга ит тегмайди. Оқбўйин изига қайтди.

Карим подачи милтиқ кўтариб ҳовлига кириб келганида Расул бўлган воқеани эндиғина отасига гапириб бўлганди. Подачининг важоҳатини кўриб, Содиқ ака ирғиб ўрнидан турди. Аммо Карим подачи унга эътибор бермай, ини ёнида чўзилиб ётган Оқбўйин томонга юриш қилди.

— Ҳой, мусулмон! — Содиқ ака йўлни кесиб чиқди. — Бу уйда одам борми, йўқми демай, тиккалай бостириб келишингиз нимаси, а?

— Қоч! — деди Карим подачи оғзидан тупук сачратиб. — Отаман! Үлдираман! Уруғини қуритаман!

— Нимани отасиз?! Нимани ўлдирасиз?! Нима бу жой энангизни маҳрига тушганми? Бунча кекирдак чўзасиз! Қани, ҳовлидан чиқинг! Индамаган сайин... Чиқинг!

— Индаб нима қилардинг?! — Карим подачи энди унга хезланди. — Қани, бир қип кўр! Кўрайлик-чи, нима қиларкинсан! Тағин ит-питинг билан... Нари тур! Олдин итингнинг қонини ичаман, кейин сени! Қоч деяпман!

— Ит сизга нима ёмонлик қилди?

— Билмайсан?

— Билмайман.

— Бутун қишлоқ билган нарсани сен билмай қолдингми?

— Кўз билан кўрмагансиз, тухмат қилманг. Нима, қишлоқда фақат бизнинг ит борми?

— Кўр эмасман! Бу иш фақат мана шунинг қўлидан келади. Қўйвор милтиқни! Милтиқни қўйвор деяпман!

— Ўзингизни босинг.

— Итимни бўғизлади, майли дедим, зўрдан-эўр чиқиби, қандини урсин дедим. Аммо энди. Боламни ўлдириб қўйишига сал қоптию, тағин қанақасига ўзимни босай! Қонини ичмасдан кетиш йўқ! Сен, яхшиси, сунада босиб ўтири. Халақит берма менга. Қўрқма, ўлигини ташлаб кетмайман.

— Менга қаранг, ака! Эркак одамсиз, келинг, эркак-часига гаплашайлик. Аммо-лекин гайдан қайтиш йўқ, худога шукр, белда белбогимиз бор. Агар итим ўғлинигиши бирор ерини тирнаган ёки тишлаган бўлса, марҳамат, ит сизники, хоҳланг, нишириб енг, хоҳланг, қуидириб. Келишдикми? Ия, нега нағасингиз ичингизга тушиб кетди, гапиринг! Одам деган бундоқ бўлмайди, бостириб келишингиз етмагандек, дафдагантиз ортиқча. Индамаса, кўкракка чиқиб тепишдан ҳам тоймайсиз. Итингизнинг дастидан-ку бола-чақа даштга тезакка чиқолмасди. Ҳурматингизни қилиб бир нима демаганимиз. Сизга эса... Е шу итни берсан қутуламанни сиздан?

Карим подачи бирдан ҳушёр тортди. Шунинг баробарида дарров шаштидан тушиб, унга умидвор тикилди.

— Ана гал қаёқда экан,— дея ачитиб олди Содиқ ака.— Одам деган бунча майдада бўлмайди, ака. Кўнгилди кенг қилинг, кўнгилди!

Карим подачи тағиғ қутурди.

Бўлаётган воқеани жимгина кузатиб ётган Оқбўйин ортиқ сабр қилиб туролмади. Улар миљтиқ талашаётганида, сапчиб турди-да, вовуллаганча подачига ташланди. Содиқ ака итни сёғи билан тепиб ҳайдаркан, илкис бир ҳаракат билан милтиқни тортиб олди-да, ўқларини чиқариб, томорқага улоқтириди.

— Иззатингиз борида жўнаб қолинг!— деди милтиқни эгасига қайтариб.— Йўқса, чатоқ қиласман! Кетинг тезроқ! Агар яна бир бор яроқ кўтариб келсангиз, ўзингиздан ўпкалаанг! Кетинг!

Карим подачи дарвозага етмай тўхтади. Ортига ўтирилди. Қўзларида қаҳру ғазабдан ташқари, ҳасад, ҳавас ва яна алланималарнинг ифодаси қоришиқ эди.

— Содиқ, ке, сенам би-ир одам бўл, бер шуни менга,— деди алланечук ёзғирган оҳангда.— Якши нарса... увол бўлмасин. Феълимни биласан, барибир бирда бўлмаса, бирда отиб қўйман... Йўқ, дема.

— Кетинг, ака! Иззатингиз борида жўнаб қолинг!

Содиқ ака Карим подачини ириллаган кўйи кузатиб қолган Оқбўйинни тинчлантиришга ҳаракат қиларкан, итга қаттиқ ичи ачиди. Негаки, подачининг феъли унга беш қўлдай маълум — тикилган нарласини олмай қўймайдиган мардум у. Аввало тикилмасин, тикилдими — тамом, ё ўзиники қиласди, ё бутунлай йўқ қиласди. Шу феълу автори туфайли йигитлигида қамоқхона тупроғини ялаб келган. Минг тавалло қилишига қарамай, унга қиё боқишини лозим кўрмаган қўшни қизни тўй кечаси

личоқлаб қўйган. Қиз ўлмади. Ҳозир саккиз боланинг онаси, гумбаздай семириб, аввалги ҳусни жамолидан асар ҳам қолмаган. Аммо ёшлинида берган кўнгил бедаво бўларканми, ҳануз уни кўрди дегуяча Қарим подачининг кўкраги ости куйишиб, миясига қон телади. Майда-чуйда баҳоналар билан аёлнинг эрини тутиб урган вақтлари кўп бўлган. Энди буни муҳаббатга йўйиб, подачини оқламоқ мумкинdir. Бироқ унинг куракда турмайдиган қилиқлари шу қадар серобки... икки йилча бурун подачининг ҳаваси Қодир тракторчининг сигирига тушади. Ўзиям сигирмисан сигир эди-да. Ем танламас, эрта-кеч чеълак-челак сут берарди. Сути серёғ, чўп суқса типпа-тик туради. Подачи шу сигирга харидор бўлди. Турган гап, Қодир тракторчи кўимади. Барча уринишлари бесамар кетгац, Қарим подачи сигирни далада заҳарлаб ўлдирди. Мол аччиғи — жон аччиғи, Қодир тракторчи уни кўчада тутиб олиб, тупроққа белаб урди... Букирни гўр тузатар дегандек, мана энди у Оқбўйинга кўз тикиб юрибди. Мақсадига етса етди, етмаса, эрта бўлмаса, индинига шартта отиб ташлаши тайин. У бу ишни пана-пасқамдан туриб эмас, ошкора адо этади. Даво қилар бўлсанг; ўларман хўқиздай бошини тутиб келади: «Урасанми?! Мана, ур! Қўлингдан келса, этимни тил, бошимни янч, яширмайман, отдим! Отиб ўлдирдим! Худо шундайчигин феълни берган бўлса, мен нима қиласи?! Қўй дейману ўзимни тутолмайман. Ичимдан алламбало хуруж қилиб қўймайди. Лекин мен сенга ялиндим, катта бошимни кичик қип ёлвордим, ўзинг бермадинг. Берганингда, бечора худо берган умрини яшаб юрган бўларди. Ҳа, нимага туриб қолдинг?! Қўлинг қичиб келдими, ҳаяллатмай уравер, мана, елкам сеники, калла керак бўлса, бошим сеники. Аммо-лекин товба қилиш йўқ! Кутма буни мендан! Этимни тилимласанг-да, товба демайман! Феълим ўзимга маълум... Бугун оғзимга сўз олиб қўйиб, эрта бир кун субутсиз деган ном ортирайми! Товба дейиш йўқ!» Ҳақиқатдан, Қарим подачини узр сўратиш қийин. Бу иш ҳатто Келдиёр лўлининг қўлидан келмаган.

Узоқ йили Қарим подачи қирда тулки овлаб юрган Келдиёр лўлининг този итларидан бирига ошиқ бўлади. Тозимисан, този эди-да, ўзиям, ҳар қандай эпчил тулкини бир заптда оларди. Қарим подачи ўшантага оғиз солади. Келдиёр лўли отда, у пиёда, узоқ тортишадилар. Тортиша-тортиша Сариқтепа ёнидаги айри йўлгача келишади. Келдиёр лўли умрида бу қадар ёпишқоқ

кимсани кўрмаган экан. Охири тоқати тугаб, подачининг чап ягринига аччиқ қамчи тортади. Қамчи баҳона Карим подачи този итнинг манглайидан отиб ташлайди. Лўлилар кўпчилик эди, уни ўртага олишади. Воқеани кўрган болалар қишлоққа югуради. Яхшими, ёмонми подачи — қишлоқ одами, бегона урса, қишлоқ аҳлининг ори келиши тайин. Ўн чоғли йигит Сариқтепага от қўяди. Мамаражаб жувозкаш тасодифан келиб қолмаганда, бу жанжалнинг оқибати ғоят хунук бўларди. Ҳайтовур, чол вақтида улгурди. У келгандা оғзи-бурни қора қонга беланган подачи бир четда лўлиларни ёппасига чангитиб сўкар, йигитлар эса қўллари мушт бўлиб тугилган, қия тутилган милтиқлар қаршисида ноилож, шунингдек ҳар лаҳзада ташланишга шай ҳолда чегирайиб туришарди. Мамаражаб жувозкаш юрт кайвониларидан бири сифатида озми-кўпми обрўси бор, енг ҳимариб орага тушди. Йигитларни тергаб-сергаб четлатди. Лўлиларга бир мезбон тарзида муомала қилди. Сўнг Келдиёр лўлини ўртага чорлаб сўроққа тутди. Савол-жавобдан Карим подачининг гуноҳи аён бўлгач, чол унга юзланди, бети йўқ, деб сўкди, қишлоқни шарманда қилдинг, дея койинди, охирида Келдиёр лўлининг талабини инобатга олиб, тавба-тазарру қиласан, дея шарт қўйди. Карим подачи бошидаги телпагини ерга отиб уриб, ёқа йиртиб олдинга чиқди.

— Йўқ,— дея ҳайқирди у.— Келиб-келиб аллақандай бир лўлидан тазарру сўраймани! Бу-ку бандаси, керак бўлса, худосидан ҳам сўрамайман! Сўраёлмайман! Феълим ўзимга маълум, бугун оғзимга сўз олиб... эрта яна... йўқ, сўраёлмайман!

Келдиёр лўли ҳайратдан ёқа тутди:

— Ё тувба! Шунчалик нуқтангни узганмисан?!

— Узганман!

— Гуноҳинг бўйинингда қолса, оқибати ёмон бўлади.

— Нимага шаъма қиляпсан?!— Карим подачи ёмон сўкинди.— Итинг қолиб, ўзингни отиб ташламаганимга шукр қилсанг-чи. Ғашимга тегаверсанг, ҳозир ҳам... пешонангдан дарча очиб қўйишим мумкин.

— Ҳозирча милтиқ менда...

— Ҳечқиси йўқ, худонинг куни кўп...

— Қасдланма, тентак!— Чол Келдиёр лўлига ҳезланниб бораётган подачининг кўкрагидан итариб ташлайди.— Тентаклигингни биз кўтарамиз. Ичдан чиқсан балосан, нима ҳам дердик, чидаймиз, лекин булар билан қасдлашма. Бола-чақангни ўйласанг-чи, нодон. Ҳали

итига товоң ҳам түлайсан. Гапини эшилдинг, уч қўйни пулига олганман, деяпти...

— Товоң?!— Карим подачи истеҳзоли илжайғанча лўлига юзланди-да, ўнг билагини хунук сўлқиллатди.— Мана сенга товоң! Кўрдингми!

— Қўйинг, бобой,— Келдиёр лўли тишини-тишига босиб, қўлидаги милтиқни чолга узатди.— Олинг милтиғини. Садқаи гапингиз кетсин. Одаммаскан бу ўзи. Товбасини сўраманг. Кечдим гуноҳидан. Энди бизга рухсат беринг, тириклигимиздан қолмайлик.

— Йўқ, сўрайди,— деди Мамаражаб жувозкаш гапа ерда қолганидан ранжиб.— Сўрамай кўрсин!..

— Сўрамайман,— деди подачи ички бир қониқиш билан.— Ҳали буларнинг яна келари бор. Ўшанда бошқача гаплашаман бу билан...

Уша куни Карим подачи узр сўрамади. Келдиёр лўли қайтиб бу томонларга доримади.

Мана шундай бир қайсар одамга Содиқ ака нимаям дея оларди? Мабодо подачи дабдурустдан дов тўкиб келмай, елимдай ёпишиб ҳолижонига қўймаганида, Содиқ ака итдан воз кечиши мумкин эди. Аммо энди бериб бўлмасди. Подачининг қилиғи унинг ҳамиятияга қаттиқ текканди. Майли, қасд қилибдими, кўча-кўйда отиб ташлай қолсин. Бир ками ҳаром ит учун ёқалашиб юриши қолувди. Ҳозирча қўлидан келадиган бирдан-бир чора итни занжирда сақлаш эди.

Орадан уч кун ўтиб Содиқ ака итни занжирдан бўшатишга мажбур бўлди, нимага деганда, Оқбўйин ангиллайвериб, ғингшайвериб тинчлик бермади. Аслида итнинг нотинчлиги тутқунликдан эмас, хавотирдан эди. Расул уйдалигига сокин ётган ит у ҳовлидан чиқиб кетиши ҳамон қозиқ айланиб чопар, то бола уйга қайтма-гунча, ўзини қўярга жой тополмай қоларди.

Бўшовдан сўнг Оқбўйин аввалгидек яшай бошлади. Тушгача мактаб ёнидаги теракзорда Расулнинг дарсдан чиқишини пойлаб ётади. Кейин бирга уйга қайтишади. Расул апил-тапил чойини ичади-да, пахтага жўнайди. Оқбўйин пайкал четида қолиб, уни шомгача кутади. Тунда эса деразадан шуъла сўниши билан девор ошиб кўчага чиқади-да, боши оққан томонга тентиб кетади. Бу ёғи қўшни қишлоқчача, у ёғи қиргача изғийди. Фермахонадан доимо четлаб ўтади. У ерда ғаними борлигини билади. Уша кунги жанжалдан сўнг подачи Оқбўйинни икки бор отишга уриниб кўрди. Биринчисида тегизолмади, иккинчисида ўқ кўксини ялаб ўтди.

Жароҳати енгил эди; Оқбўйин ялаб тузатди. Карим подачи бу билан қаноатланиб қолмай, Хидир хиранни ҳам овлашга уриниб кўрди: «Буйруқ йўқ, жўра», — деди Хидир хира кўнмай. — Бир эзлик қозог бўлса, сени айтмасанг-да, уругини қуритаман». «Қоғоз-погоғ деб ўтирасанми. Паққа от-кўй-да!» «Қоғозсиз мумкин эмас. Эгаси ёқамдан олса, сенин кўндаланг қиласманми? Кўлинингда мильтигинг бор, ўзвинг отавер. Бир қишлоқди одамисишлар, эгаси қозилашиб юрмас, ахир. Энди бизди йўриғимиз бўлак, бегоналигимиз бор. Агар жудаям эвини то-полмасанг, сабр қил, қиши ўтиб кўклам келсин...»

Оқбўйин Карим подачининг зимдан тиш қайрашларига кўпда эътибор бермас, тунлари дала-даштда беармон тентирди.

* * *

Узоқ чўзиликдан қорасовуқдан сўнг ерга биринчи қор тушиди.

Оқбўйин ёмғир нималигини билади, туманин кўрган, лекин буниисига ақли етмади. Искаб кўрди, ялаб кўрди... кейин кўниди. Или қор қувоҷидан у ҳам бебаҳра қолмади. Ҳовлида Расул билан роса тўполон қилди.

Бироқ кечга бориб юраги ўз-ўзидан безовта бўла бошлиди. Ўйин кўнглига сифмай, бўйнига осилган Расулни силтаб ташлади, кўп тирғалмай нари тур, шусиз ҳам кўнглим сиёҳ. Расул қорда чўзилиб ётаркан, унга ҳайратомуз тикилди. Итни биринчи марта ўта безовта ва жонсарак ҳолда кўраётган эди. Оқбўйин ошириб юборганини сезди шекилли, қўлини оғритмай тишлади, юз-кўзини ялади. Ярашувдан сўнг бола уни чанага қўнди. Аввал ҳовли юзида учишди, кейин кўчага чи-қишиди. Бошда бу юмуши Оқбўйинга ғалати туюлган бўлса-да, сўнг-сўнг жуда қизиқиб қолди. Расулнинг майлига бўйсуниб, болаларнинг кўзини ўйнатиб, қишлоқ кўчаларини бир айланиб чиқди. Эвазига бир чангаль қанд билан сийланди:

Кечки овқатдан кейин Оқбўйин одатдаги жойига — дераза тагита узала тушди. Қор юмшоқ, ҳаво илиқ эди. Оқбўйин кўзларини бир нуқтага тикканча, ичкаридан эшитилаётган шовурга қулоқ тутиб ётаркан, бирдан сергак тортди. Устига кўнглан қорни силкиб ташлаб, оёққа қалқиди. Нафасини ичига ютиб, қулоқларини динг қилди. Кўп ўтмай чўзиқ улиш овози яна тақрорланди. Оқбўйин итникига ўхшаб-ўхшамай кетадиган бу нидо

замирида юракка ваҳима солувчи нимадир борлигини илгар-илғамас, қишлоқ итлари жазавага тушиб қолишиди. Оқбўйин бошини бир ён қийшайтириб, итлар овозига дикқат қиласкан, уларнинг овозида безовтадик сезди. Бунга сари гоҳ аниқ, гоҳ әлас-әдас өшитилаётган овоз эгаси тасаввурида ғаройиб ва даҳшатли махлуққа айланади. Қўрқув билмас юрагига қизиқиш оралади. Шу қизиқиш ҳалпида девор ошиди. Кўча ва даладан ўқдек учиб ўтиб, тепаликка интилди. Чор атрофга аланглаб, ҳавони искази. Қор ҳидидан бўлак ҳидни туймай, норози ғингшиди. Шу дам ҳазин улиш яна қайтарилди. Оқбўйин унинг қайси тарафдан келаётганини англаб улгурмай, кун ботиш томондан яна бири қулоққа чалинди. Даشت оппоқ қор, Оқбўйин икки қишлоқ оралиғидаги дўнгда қорайиб турган шарпани базўр илғади.

У ўша томонга югурмоқчи бўлган жойида беихтиёр тўхтади. Қорани Олапар деб ўйлади, шунингдек, дов тўкиб боришга ўзини ҳақсиз сезди. Нимага деганда, дўнгликдан нарёғи Олапарга дахлдор. Бу ҳақда Олапар ўтган гал ўта жиддий бир тарзда огоҳлантирганки, унинг ўша пайтдаги ҳолати ҳануз Оқбўйиннинг кўз ўнгиди, эсласа, эти жунжикади.

Икки ҳафтача бурун сутдек ойдин туиларнинг бирида Оқбўйин ўз тасарруфидаги ёрларни айланиб юриб, тасодифан отасига дуч келиб қолди. Олапар дўнгда қир тарафга тикилганча чўнқайиб ўтирган экан. Оқбўйин аввалита эътибор бермади. Қуриган оққурайлар оралаб дўнгликка жўтариларкан, тўсатдан михлангандек қотиб қолди. Қайси кўз билан кўрсинки, қаршисида ўзи ўйлаганчалик жўнгина ит эмас, баҳайбат махлуқ савлат тўкиб турарди. Жисми гўё пўлатдан қўйилгандай, ҳар мўйидан куч ёғилади. Қўзларида эса на ғазаб, на адоват — жиддий осойишеалиқдан ўзга нарса акс этмасди. Уз кучига беҳад ишонган жониворгина мана шу тарзда хотиржам боқа олади... Оқбўйин олға боришният, чекинишиниям билмай турганида нотаниш итнинг жиддий нигоҳларида, кимсан, бу ерга қандай келиб қолдинг, деган маънони уқди. Бу хил сокин ва босиқ муомала камдан кам итнинг қўлидан келади. Бундай дамларда аксарият итлар дарҳол пўписага ўтади, кучи етса-етмаса ҳамла қилмоққа тиришади.

Оқбўйин табиатан оғир эмасми, жиззакилик қилмади, қалта акиллаш билан жавоб қайтарди. Нотаниш итнинг қаломи унивидан ҳам қисқа бўлди: «Вов!» Бу тарздаги мuloқот одамларга бир хил туюлса-да, овоз-

нинг баланд-пастлигига қараб, турли маънони англа-тади. Дейлик, агар ит бошини хиёл қўйи эгиб, вов деса, қани, жўнаб қол, деган ифодани билдиради. Ёхуд, кўк-ка тумшуқ чўзиб, шу хилда ҳурса, қани, яқинроқ кел, турқингни бир кўриб қўяй, дегани бўлади. Шундан сўнг бир-бираига яқин келиб, обдон исканишади. Бу вазият ўта хавфли, бирон томон жиндек қўполликка йўл қўйса, тамом — ўртада нақ қирғинбарот юз беради.

Ҳайтовур, улар ўртасидаги бу ҳолат тинч ва осойишта ўтди. Табиий, томонлар қон-қариндошлигини билишмади, аммо куч-қувватда бир-бираидан асло қолишмаслигини англашди. Шунинг учун ҳам Олапар ҳиссиётга эрк бермай, дўнгдан нарига ўтиш яхшиликка олиб келмаслигини босиқлиқ билан англатиб билдиради. Бу билан қаноатланиб қолмай, ер тирнаб белги ясаркан, тупроғини бу томонга сочди. Оқбўйин ҳам ризолик аломатида тирналган ерга панжа ботириб, у тарафга тупроқ тўзғитди.

Шундан кейин улар тинчгина айрилишди. Дўнгнинг учдан икки қисми Олапарнинг чекига ўтди.

Ҳозир Олапар дўнгликнинг ўзига тегишли томонида турарди. Ҳовлиқишу жазавага тушишга асоси қолмаган Оқбўйин ноилож ерга чўкаркан, бирдан сергак тортди. Энди кўланка иккитага айланган ва улар дўнгнинг бериги бетида ғимирлашарди. Буни кўргач, Оқбўйин улар томон ўқдек учди, ярим йўлга етмай, ҳали ўзи учун бутунлай нотаниш бўлган бўри ҳидини туйди. Ажабсиниб тўхтади. Ҳавони қайта-қайта исқади. Йўқ, бу Олапарнинг ҳиди эмас. Унда ниманики бўлди экан? Оқбўйин югуришда давом этаркан, азбаройи ғазабланганидан, жiddий хатога йўл қўйди, яъни одатига хилоф рашишда ҳурди. Турган гап, бўри зоти итнинг қанақалигини овозига қараб билади. Куч жиҳатдан устун бўлган итга ҳеч қачон рўбарў келишмайди. Уларнинг макорлигиям шунда. Ёвузлиги туфайли ҳужум қилса, макорлиги туфайли жон сақлайди.

Оқбўйин сойга эниб, ялангликка кўтарилиганда, дўнгда жон асари кўринмасди. У чопиб бораётган жойида баланд-баланд сакраб, теваракка аланглаганча рақибларини қидирди ва қир томон йўртиб кетаётган икки қорани кўрди. Йўлни ўша тарафга солди. Етолмади. Бўрилар қир ошиб, кўздан йўқолдилар.

Шундан эътиборан, Оқбўйиннинг нотинч ва беҳаловат тунлари бошланди. Бўрилар кунда бўлмаса-да, кунаро қишлоқ томон энишар, бир кечаси эса икки бир-

дай ити бор қўтондан уч-тўрт қўйни бўғизлаб кетиши. Оқбўйин ўзи сезмаган ҳолда даштнинг ҳақиқий қўриқ-чисига айланди. Ҳар кеч деразадан шуъла сўнар-сўнмас, даштга чиқиб кетар ва тонг аzonда бир аҳволда қайтар эди. Ҳовлига кириши билан дераза тагига келар, нафасини ичига ютиб, ичкарига қулоқ тутар ва Растунинг бир маромда пишиллашини эшитгандан сўнгги-на кўнгли хотиржам тортиб, пинакка кетарди.

Оқбўйин бўрилар билан қувлашавериб, уларнинг йўлбошчисини яхши таниб олди. У Қарим подачини қон қақшатган ўша йирик Ёлдор бўри эди. Маккорликда унинг олдига тушадигани йўқ эди. Рақибини чалғитиш учун у шундай ҳийлалар ўйлаб топардик, оқибатда, Оқбўйин лақиллаб қолаверарди. Масалан, бўрилар қўтон оралаган кеча Ёлдор энг эпчил шерикларидан бирини Оқбўйинга рўпара қилиб қўйди-да, қолганлари билан сувсиз сой ўзанидан писиб келиб, бир неча совлиқни тинчтиб кетди. Бу пайтда Оқбўйин қирдаги бўри билан андармон эди...

Оқбўйиннинг бўриларга нисбатан ғазаби бошда шунчаки ўчакиш тўфайли эди. Қачонки, жар тубида эшак жасадига дуч келгандан кейингина унда нафрат уйғонди. Куни-кеча фермахона теварагида ўралашиб, молларнинг нишхўрдига қаноат қилиб юрган бу беозор, безиён жоноворни хомталаш кўриб, дастлаб ғоят ҳайратга тушди. Негаки, умри бино бўлиб ҳали бирон тирик жонни бу аҳволда кўрмаган эди. Бошию қовургалирини демаса, шўрликдан ҳеч вақо қолмабди.

Оқбўйин жасадга яқин келмай, унинг атрофини айланаркан, бўри ҳидини илғаб, баттар таажжубланди. Ишонгиси келмай ғингшиди. Шу чоққача бўриларни қишлоқ итлари каби ожиз ва қўрқоқ санаб келарди. Қўрдики... у ўзга ҳид истаб, ҳарчанд искалансасин, бўри ҳидидан бўлак ҳид ололмади. Қорасини кўриши билан шаталоқ отиб қочадиган рақибларининг йиртқичлигига тўла амин бўлгач, у алам билан увлаб юборди. Тумшуғини кўкка чўзиб-чўзиб увларкан, туйқусдан нигоҳи қўрқув ва даҳшат ифодаси қотиб қолган жасад қўзига тушиб, бенхтиёр эти сесканди. Эсида, бундай нигоҳларга кўп бор дуч келган, лекин Маллани ҳисобга олмаганда, бирортасига зиён етказмаган, пўписа билан чекланган, холос.

Тирик жонни Оқбўйин икки тоифага ажратади: бири безиён жоноворлар, одам боласи ҳам шунга киради, улар ҳатто тицлашга арзимайди. Иккинчиси — Малла-

га ўхшаш бадхулқ махлуқлар, уларни ё мавҳ этмоқ лозим, ё бўйсундирмоқ. Акс ҳолда ҳуда-бехуда жиенингга тегавериб, тинчингни бузади.

Эшак, табиий, биринчисига киради. Оқбўйин уни саратондан бери билади. Ёз бўйи қилган беминнат меҳнати эвазига эгаси уни қиши олди кўчага ҳайдаб юборганди.

Оқбўйин ҳумдай бошини оёқлари устига қўйранича жасадга тикилиб ётаркан, агар ожиз бўлган тақдирида ўзининг ҳам қисмати мана шу тарзда якун топишини тўла ҳис қилди. Уйга қайтгиси келмай, бўрилар изидан тушди. Қир бағридаги тепаликда излар шу даражада чалкашиб кетган эдик, у қай тарафга юарини билмай, гаранг туриб қолди. Чўнқайган кўйи атрофни кузатаркан, тонг гира-ширасида қоровултепадан пастга эниб бораётган Олапарни кўрди. Бўрилар келиб, унинг ҳам тинчи бузилган эди...

Елдор ҳар қанча устомонлик қилмасин, барибир Оқбўйин уларнинг йўналишини аниқлашга муяссар бўлди. Бўрилар қирдан жар ичи билан эниб келишарди-да, тепаликда тўхташарди. Хийла тараддулдан сўнгнина бирон манзилни қора тортишарди. Уларнинг юриши Олапардан кўра Оқбўйиннинг чекига кўпроқ тўғри келарди. Тунлари узлуксиз давом этаётган бу жанг жадалдан одамлар мутлақо бехабар, итлар эса огоҳ, аммо кўмаккә чиқишга бирортаси ҳам журъат этмасди. Xашаки ит хашаки-да. Бу етмагандек, Қарим подачи ҳануз аҳидан қайтмаган, Оқбўйинни йўқ қилиш пайида тунлари милтиғига тўнғиз ўқи жойлаб қўйишни канда қилмасди.

* * *

Тунлари бесамар изғишлилар жонига тегиб, Оқбўйин йўл пойламоққа аҳд қилди. Табиий, у қурбонлар учун эмас, рақибларининг беҳад сурлигидан, боз устига, қанчалик елиб-югуришига қарамай, осонгина лақиллатиб кетишлиридан аламда эди. Оқбўйинда табиий куя, жасорат бисёрликка бисёр эдию, лекин ҳийла кам, Ёлдорнинг хилма-хил найранглари олдида довдираб қоларди. Ана шундай кезларда у бутун қувватини овозига беради, яъни бирор тепаликка чиқади-да, чўнқайганча осмонга қараб улийди. Ёлдорни номарддан олиб, номардга солганча, уни очиқ жангта чорлайди. Тұрган гап,

Ёлдор унинг юдонлигидан бўриларча кулади. Гоҳида эса бу хил вазиятдан усталик билан фойдаланади.

Ўтган куни шундай бўлди. Қишлоқ яқинидаги тепаликда тумшуғини кўкка чўзиб обидийда қилаётган Оқбўйин туйқусдан жавоб чорловини эшитиб қолди. Аввалига қулоқларига ишонмади. Сўнг нафасини ичига ютиб, вужуди қулоққа айланди. Сал ўтмай нидо яна тақрорланди. Овоз келаётган томонни ҳа деганда аниқлайвермагач, Оқбўйин шамолга юз ўгириб, ҳавони искади. Димоғига оқшомда болалар жар ичида ёқсан гулхандан қолган куйинди ҳиди урилди. Бир оздан сўнг унинг ўрнини силоснинг ўткир ҳиди эгаллади. Тепа этағидан ўтган йўлдан силос тўла қоп ортилган эшагини қичаб бораётган кўланкага назар соларкан, Оқбўйин норози фингшиди. Қишлоқ томондан журъатсизгина ҳурраётган итни тириклиайн еб-ютиб қўйгудек эди.

Ниҳоят навбатдаги чорловдан сўнг овоз эгаси Қорувултепадалигини фаҳмлади. Тепагача бўлган масофада чуқур жарлик, паст-баланд дўнгликлардан иборат кенг дашт ястаниб ётарди.

Азбаройи ҳовлиққанидан Оқбўйин сўқмоқни адашиб-тириб қўйиб, тик жарликтан қўйига учиб тушишга бир баҳя қолди. Жар лабида базўр тўхтаркан, қоп-қора бўшлиққа кўзи тушиб, юраги орқасига тортиб кетди. Ортиқча шошқалоқлик яхшиликка олиб келмаслигини англади. Қолган масофани кўпда ўпкасини қўлтиқламай, хийла хотиржам босиб ўтди. Ошиқиб нима қиласиди, ахир рақиби қочаётгани йўқ, аксинча жангга чорламоқда-ку. Аммо унинг аҳволини ҳам тушунмоқ керак, негаки, чорлов ҳеч кутилмагандан юз беради-да. У бундай бўлишини кутмаган, кутмагани учун ҳам интиқом завқидан юраги тошиб борарди.

Аммо манзилга етиб келаркан, бирдан ҳафсаласи пир бўлди. Не кўз билан кўрсинки, тепаликда уни Ёлдор эмас, суяклари бузуқ, улкан калласи гавдасига номуносиб, йирик бир махлуқ кутиб турарди. Бутун ғазаби Ёлдорга қаратилгани туфайли Оқбўйин тўдадаги бошқа бўриларга нисбатан айтарли даражада адоват сезмасди. Тунлари даштда қора қуондай изғиб юрадиган тўда орасидан фақат Ёлдорнигина кўзи кўрар, шунингдек, тўдани ҳаракатга келтирувчи асосий куч Ёлдор эканини; агар у мавҳ этилса, қолганлари қайтиб бу томонларга доримаслигини ҳис этарди.

Бўрилар кўпчилик бўлишига қарамай, унга юзма-юз келишдан мудом қочишарди. Аслида бунга уларнинг

журъатсизлиги эмас, Ёлдорнинг тадбиркорлиги сабаб эди. Зўр олдида дум қисишидек итларга хос заифлик бўйриларга ҳам ёт эмас. Кекса маккор бўри ҳар қандай тўқнашув ўзининг ҳалокати билан якунланишини, Оқбўйиннинг ўткир тишлари, бўғзига қадалиши билан шериклари тумтарақай бўлишини яхши билади. Боз устига, Оқбўйин табиат сахийлик билан инъом этган кучқудратга эга. Бундай итлар юздан, ҳатто мингдан битта бўлади. Одамлар уларни алоҳида эъзоз ва ҳурмат билан «арслон» ёки «сиртлон» деб атайдилар. Бўри зоти улардан иложи борича узоқроқ юришга ҳаракат қилади. Ёлдорнинг сурбетлигига кёлсан, гап шундаки, Оқбўйин ҳали хом, ҳаётий тажрибаси кам, агар оёқ илдам бўлса, ҳозирча уни истаганча лақиллатиш мумкин. Аммо кейинчалик бу томонларга, яхшиси, доримагани маъқул. Негаки, вақт ўтган сайин унинг содда ақли, темирдек мустаҳкам пайлари сингари тобора пишиб етилиб боради. Ана унда ҳар қандай айёрлик зигирча иш бермай қолади. Оқбўйин отасидек камҳафсалла эмас, Ёлдор Олапарнинг ана шу камчилигидан фойдаланиб, гоҳи-гоҳида унинг ерларига ҳам бош суқиб туради... Яхшиямки, бўриларнинг баҳтига икки қўчқорнинг боши бир қозонда қайнамайди. Қайнаса борми?

Кувфинга учраган кезлари Ёлдор табиатнинг бу қадар тентаклигидан хафа бўлиб кетарди. Мислсиз кучқудратни Оқбўйинга бергунча ўзига бермайдими. Бу не ҳолки, беш бирдай жондор аллақандай бир итдан қочиб юрса. Аслида Ёлдор табиатнинг бу ишидан нолимаса ҳам бўлади. Табиат куч-қувват бобида Оқбўйинга қанчалик ҳиммат қилган бўлса, маккорлигу тадбиркорлик, зийраклигу ҳушёрлик борасида Ёлдордан ҳам ўз саҳоватини аямаган эди. Ёлдор шу хусусиятлари туфайлигина ўз ризқу рўзини териб юрарди. Масалан, у қопқон деган нарсани юз одимдан сезади. Темир исканжаканчалик усталик билан кўмилласин, унда ўтириб қолган турли ҳид юзада қолаверади-да. Овчи масаласига келсан, Ёлдор қадам олишиданоқ унинг қандай одам эканини билиб олади. Хашаки итларни писанд қилмаганидек, ҳавасманд овчилардан ҳам сира чўчимайди. Емон кўргани — сиртлон ит. Агар оёқлари эпчил бўлмаса, бу балодан қутулмоқ мушкул. Шунинг-чун учраб қолса, уларни кучуквачалигига даёқ гумдон қилишга ҳаракат қиласи. Бу дамгача тўртласини қуритди. Сўнггини ўтган кўклам бошида даф этганди.

Уша кезлари Ёлдор тұдаси билан тоғда изғиб юрарди. Тунлардан бирида тоғ-этагидаги қишлоққа энаётиб, итлар шовқини орасидан ингичка, ўқтам овозни илғаб қолди. Сезди. Шу яқын орада бұлғуси күшандаси вояга етмоқда. Агар ҳозир ҳаракатини құлмаса, кейинчалик бу ерлардан қадамини узишга тұғри келади. Тұхтаб, овозга қулоқ тутаркан, қорин ғамини унуды. Шерикларини арчазорда қолдириб, ёлғиз ўзи қишлоққа әнди. Итларнинг диққати арчазорга қаратилганидан фойдаланиб, тор күчага шүнғиди. Қишлоқ маст уйқуда. Келәттән балодан бутунлай бехабар, овозига зүр беріб акиллаёттән қоп-қора күчукваччани у осонгина топди. Аввалига пастак девор оша ҳовлини обдон күздан ке-чирди. Кейин енгил сакраб, тошсупа устига тушди. Күчуквачча акиллаганча уй томон тисланди. Ёлдор шошилмай олдинга іөрди. Бундай пайтда ошиқишини ёмон күради. Интиқом дақиқаларини иложи борича узоқроқ үзүзишга ҳаракат қилади. Ахир вақти келиб, тенгсиз құдратга әга бўладиган жимитдек вужуднинг қайноқ қонини ҳовлиқмай, ошиқмай ичмоққа нима етсин. Аммо уч-тўрт одим ўтмай, кўнгли андак хатар сезгандек бўлди. Қадамини тезлатди. Күчуквачча уйдан ошхона томонга қочди. Ёлдор икки сакрашда унга етди-да, яғрини аралаш бўйнидан хиппа тишлади. Тишлари орасида нозик суюклар қисирлаб, күчуквачча ангиллаб юборди. Худди шу пайт уй эшиги шарақлаб очилди-да, останада ярим яланғоч мильтиқ тутган одам пайдо бўлди. Ёлдор ўлжасини оғзидан қўймай, яшин тезлигидә ҳовлини кесиб ўтиб, деворга сакради. Улгурмади. Мильтиқ варанглаб, қўймичига урилган кучли зарбдан кўча юзига ағдарилиб тушди. Ҳартугул оёққа қалқишига куч топти. Қишлоқ итлари эс-хүшини йириб олгунча бўлмай, арчазорга етиб олишига улгурди.

Оқбўйиннинг қишлоғи тоғдан анча берида. Қўклам келди дегунча бўри зоти бу томонлардан оёғини узади. Акс ҳолда у ҳам Ёлдорнинг назаридан четда қолмаган бўларди.

Оқбўйин рақибиға етмай, таажжуб оғушида хийла берида тўхтади. Жангга чорлаган шуми ё бошқасими деган хаёлда теварак-атрофга кўз югуртирди. Оғир тун пардаси остида мудраёттән даштда бегона қорани илғамагач, фурсатни қўлдан бой бергиси келмай, дарҳол ҳужумга шайланди. Бироқ рақиби аллақақон тепадан энган, ортига қарай-қарай дашт бўйлаб йўртиб борарди. Уларни кам деганда юз эллик одим масофа ажратиб

туарди. Оқбүйин сөғінга зүр берди. Шу тобда у йиртқичлик майлиға берилған, азбаройи интиқом үтидан әңганидан күзига жондордан ўзға нараса күрінmas, тез-роқ рақибига етишу томоғидан хиппа бўғиб, жон тал-васасида типирчилашини томоша қилишдан бошқасини ўйламасди. Аммо қанчалик ҳаракат қымасин, оралиқ масофа қисқарай демасди.

Бүри йүлни ўнгга солиб, қир томон кочди.

Улар шу тарзда құвлашиб, бириңчи, иккінчи, ниҳоят учинчи қири ҳам босиб ўтдилар; лекин оралиқ деярли ўзгармади. Оқбүйин жон олиш қасдида ҳарчанд урин-масин, рақиби ҳам жонини асраш ғамида ундан жадал-роқ ҳаракат қиласын.

Учинчи қирдан нариси Оқбўйинг нотаниш жойлар. Оқбўйин у томонларда бирор марта бўлмаган. Шунингчун қадамини секинлатиб, харсангтошга етганда тўхтади. Бир оз нафас ростлаб изига қайтди. Иккинчи қирга етмай рақиби ортидан қолмай келаётганини пайқади. Қайрила солиб яна қувлади. Бу сафар тўртинчи қир этагигача қувлаб борди. Кейин бу ҳол яна бир бор тақрорлангац, Оқбўйин тағин ҳийлага йўллиққанини англади. Юраги ҳадик олиб, қишлоқ томон шамолдек елди. Аммо у кечиккан, Ёлдор шериклари билан товукбоқарнинг эчкисини аллақачон тинчитиб бўлганди. Оқбўйин уларга жарда дуч келди. Қорни тўқ рақиблари, одатдагидек, у билан пачакилашиб турмай, жар ёқалаб қочиб қолишиди. Оқбўйин биринчи қирда қолиб, аламидан сахаргача увлаб чиқди.

Тонгга яқин қишлоққа энаркан, фермахона ёнидан үтәетиб, Оқбўйин бирдан ҳушёр тортди. Эшикда ти-мирскиланиб юрган Карим подачи уни кўриб уйчадан милтиқ кўтариб чиққанди. Эгасидан пишанг олган кат-такон ола ит (Малланинг ўлимидан сўнг подачи уни қўшни отардан олиб келганди) вовуллаганча унга то-мон югуриб келарди. Оқбўйин унга эътибор бермай, сўлга бурилди-да, ўқ етмайдиган жойгача йўртиб бо-риб, сўнг бамайлихотир йўлида давом этди. Оғзидан ўт пурковчи қора калтак узоқдан хавфсиз эканини у аллақачон фаҳмлаб етганди.

Карим подачи итнинг йўлига астойдил кўз тикма-
ётган бўлса-да, жонини олмоқдан асло воз кечмаган
эди. Кўр эмас, Оқбўйиннинг хатти-ҳаракатларини кўриб,
билиб туарди. Билгани учун ҳам ич-ичидан зил кетар,
шундай бир ит ўзиники бўлмаганидан юраги куйгани
куйган эди. Ҳозир ҳам Оқбўйиннинг ортидан ҳавас би-

лан қараб қоларкан, акиллай-акиллай изига қайтиб, оёғи остида ўралниша бошлаган итининг биқинига жаҳл ва зарда билан төпіб юборди. Ит вангиллаганча фермахона ортига қочди. Подачи қолган аламини ёғоч охурни сузіб синдирган буқадан олди — курак иккі бўлаи бўлгунча савалади.

Оқбўйин хавфли жойдан узоқлашар экан, дафъатан хаёлига келган ўйдан сергак тортди. Ёлдорнинг изидан бекордан бекорга изғийвермай, бирор пана-пастқамда пойлаб қўлга туширса-чи?! Ана Карим подачи уни қанчалик ёмон кўрмасин, бирор марта ортидан қувлаганини эслаёлмайди, доим мушукдай пойлагани пойлаган.

Оқбўйин айнан шундай фикр юритмаган бўлса-да, подачининг ҳаракатлари сабаб, рақибини қувлаб юрмай, пойлаб қўлга туширмоқ лозимлигини англаб етди. Қаерда пойлашни эса у яхши билади. Айниқса, том босида тарғил мушукнинг қилигини кузатгандан сўнг, фикри яна қатъйлашди.

Мушукка у тасодифан алаҳсиди. Ўша куни қорнини тўйдириб, офтобрўяда чўзилиб ётганди. Сомонхона ёнида чумчуқ пойлаётган тарғилга кўзи тушиб қолиб, қизиқсинганча унинг ҳаракатларини кузата бошлади. Томнинг нишоби ҳовлига қарагани учун ундаги нарсалар яққол кўзга ташланиб турарди. Оғилхона томидаги ничан ғарами ёнида донлаб юрган чумчуқлар мушукни сезмай қолишиди. Тарғил ўқдек отилиб, улардан бирини тутиб олди. Икки соат ичидаги бу ҳол яна такрорланди...

Эртаси у чироқ ўчишини кутмай даштга чиқди-да, ҳеч қаёққа алаҳсимай, йўлни катта жарга солди. Узун жарлик бу ерда иккига бўлиниб, бир учи қирга бориб тақаларди. Ёлдор тўдасини худди шу жар ичи билан бошлаб келарди-да, шу атрофдаги тепаликлардан бирига кўтарилиб, бир муддатлик кенгашдан сўнг бирон манзилни қора тортарди.

Оқбўйин жар тубидаги қалин юлғунзорга яқинлашаркан, кўз остига олиб қўйган ерида Олапарни кўриб ҳанг манг туриб қолди. Кейин норози ғингшиб, тажовузкорона ириллади. Олапар калта акиллаш билан мақсадини англатгач, унга нисбатан жиндек меҳри ийиб, иккинчи бор ғингшиди. Бу сафарги ғингшиши ҳам эркаланиш, ҳам зорланиш оҳангига йўғрилган бўлиб, у Ёлдордан шикоят қилган эди. Олапар ҳам худди шу тарзда жавоб қайтаргац, иккиси бир муддат искашдилар. Сўнг Оқбўйин унинг ёнига чўзилди. Ортиқ бир-бирлари билан иши бўлмай, тор сўқмоққа тикилиб қолишиди.

Шу тариқа, улар дўстлашди. Уларнинг тотувлиги вақтинча эди. Негаки, Олапар ақлли ит, бундай пайтда ишончли шерик зиён қилмаслигини яхши билгани учун нөйлоҳ рўйхушлик берганда. Бошқа вақт уни яқинига ҳам йўлатмаган бўларди. Вужудидан куч ёғилиб турган бу навқирон ит унга сира ёқмасди. Нимага деганда, у бошқа итлар каби ялтоқланмас, жойи келса, ҳақини талаб қилишдан ҳам қайтмасди. Ким билади, эрта-индин... Бу тентакдан ҳар нарсани кутиш мумкин.

Олапар кўз қирида шеригини кузатаркан, ичида унга нисбатан ҳасадга ўхаш нимадир туйди. Қулоғидан гарчча тишлаб олишдан базур ўзини тийиб, тағин йўлга кўз тикди.

Тун ярмидан оққандо Олапар тўсатдан безовталаниб қолди. Оқбўйин унинг нимадан хавотирдалигини бошда тушунмади. Теваракка аланг-жаланг боқиб, нима гап деган маънода секин фингшиди. Олапар қулоғини динг қилганча юлгун новдаларининг тебранишини кузатар ва тинмай ҳавони искарди. Шундагина Оқбўйин қарши томондан эсаётган шамол йўлини ўзгартирганини пайқади. Мабодо Ёлдор уларнинг ҳидини олса, ўлақолса, бу томонларга йўламаслигини Олапарнинг хатти-ҳаракатига қараб англади. Олапарнинг безовталиги мана шундан эди.

Ниҳоят бебош шамол тағин йўналишини ўзгартириб, қаршидан эса бошлади. Олапар тинчланди, ҳатто Оқбўйинни беозоргина тишлаб қўйди. Пистирмада ётганда шамол асосий рол ўйнашини Оқбўйин шундагина билди. Олапарнинг тишлишини кўпда ёқтиримай, кўнгилга оғир ботмайдиган тарзда ириллаб, сал нари сурилиб ётди.

Орадан икки соатлар чамаси вақт ўтгач, шамол жондор ҳидини олиб кёлди. Ҳидни илғашлари билан ҳар иккиси ҳам сингиб кетгудек ерга қапишдилар. Пахмоқ жунлари ҳурпайиб даҳшатли тусга кирди.

Кўп ўтмай муюлишда Ёлдор кўринди. Ортидан бўй бастига қараб яна тўрт шериги қатор келишарди. Афтидан қоринлари хийла тўқ шекилли, қадам олишлари ланжроқ, ҳатто узоқ-яқиндан эшитилаётган ҳамжинсларининг увлашларига ҳам кўпда эътибор беришмасди. Саф охирида келаётган жуссаси кичикроқ бўрининг нимадандир бетоқатланишини ҳисобга олмаганда, тўда тинч ва сокин вазиятда олға силжирди.

Аммо пистирмага етмиш-саксон одим қолганда Ёлдор кутилмаганда сергак тортди. Тўхтади. Чўнқайди.

Тумшуғини кўкка чўзиб, искаланди. Утган куни Оқбўйинни аҳмоқ қилган суяги бузук бўри унга бақамти келгач, иккиси нима ҳақдадир узоқ кенгашдилар. Сўнгра шамолда ваҳимали шовуллаётган юлғунзорга тикилганча туриб қолиши. Уларнинг нимадандир ҳадик олгани аниқ эди.

Йиртқичлар табиатан жуда бардошли бўлишади. Ана шу хусусиятлари туфайлигина улар кўпинча ҳаётларини хавф-хатардан асраб қолишиади. Озгина шошқалоқлик ёки эҳтиётсизлик ҳамиша ўлим билан тугайди. Ёлдор кўнгил безовталигини аниқ идрок этолмагани учун ҳам сабр қилишга қарор қилганди. Бу ерда ақлидрокдан ҳам кўра сабр-тоқат кўпроқ иш беради. Юлғунзорда мабодо овчи бекинган бўлса, барибир ўзини билдириб кўяди. Ёлдор буни кўп синаган. Агар ит бўлса, агар шунга журъати етса, ҳадемай ириллаганча югуриб чиқади. Кўпол бу жониворлар кутишдан кўра қутқу солишини афзал билишиади. Аммо Ёлдор бу гал адашганди. Адашгани шундаки, у Олапарни хаёлидан чиқарганди. Юлғунзор Олапарга эмас, Оқбўйинга яқинлиги туфайли ҳатто ҳуришга эринадиган Олапарнинг бу ерга келишини тасаввуринга ҳам сифдиромасди.

Тўғри, у бекорга вақт ўйқотмай, юлғунзорни айланниб ўтиши ҳам мумкин эди. Унда кўнглига шубҳа солган хатар жумбоқлигича қолиб, кейин юраги ғаш тортиб юради. Бундан ташқари, яна ўтиб-қайтиши бор. Агар хавфни бугун аниқламас экан, эртага бу ерларга қадам босмоқни ўйламаса ҳам бўлади. Чунки бир хавфланган жойдан иккинчи бор ўтишда, ҳадик ва қўрқувдан бўри зоти хийла эт ташлайди. Бахтга қарши шамол ҳам унинг зарарига ишламоқда эди.

Шу дам жуссаси кичикроқ ёш бўри бетоқатланиб олдинга ўтганди, Ёлдор юмма талаб берди. Шериги эса бебошнинг елкасидан ғарчча тишлаб четга улоқтириди. Одобсизлиги учун боллаб таъзирини еган шўрлик фингший-ғингший жойига бориб турди.

Ёшлик — ғўрлик деб бежиз айтилмаган. Айни пайтда Оқбўйин ҳам ўзини зўр-базўр тийиб турарди. Агар қаватида Олапар ётмаганида, у аллақачон ҳужумга ўтган ва ҳар галгидек бесамар қувлашлар билан тонг оттирган бўларди.

Ниҳоят Ёлдор жойидан қўзғалди. Юлғунзорда хавф ўйқлигига имони комил ҳолда олдинга юрди. Ёш бўри унинг ортиқча эҳтиёткорлигидан кулгандай увлаб қўйди.

Тепаликка олиб чиқадиган сўқмоқ шундоққина ит-

лар яширинган жойдан ўтарди. Мушаклари таранг тортилган Оқбўйин шеригига қааркан, унинг ошиқмаётганини кўриб, ҳайрон бўлди. Агар бу ҳол яна бир дақиқа чўзилса, у ортиқ бардош беролмаслигини сезди. Ҳайтовор, Олапарнинг қадди ердан бир энлик узилди. Азбаройи зўриққанидан пайлари бўртиб, елкасига тегиб турган юлғун йовдаси титраб кетди. Бу орада Ёлдор жуда яқин келиб қолган эди.

Оқбўйин сакрамоққа энди чоғланган ҳам эдики, олдинроқ ҳаракат қилган. Олапар уни туртиб ўтиб, Ёлдорга ўқдек ташланди. Оқбўйин сал нарида саросимада туриб қолган бўрилардан бирига ҳамла қилди. Бу ўша — суяги бузуқ улкан бўри эди. Рақиби ҳарчанд чап беришга ҳаракат қилмасин, бўғзини Оқбўйиннинг ўткир тишларидан асраб қоломмади. Ит зумда унинг бўғзини ёриб ташлади. Оқбўйин ерда чўзилиб қолган бўрига қайрилиб боқмай, иккинчисига ташлади.

Ота-бала юлғунзорда уч бўри жасадини қолдириб, икки бўрини қиргача қувлаб боришиди.

* * *

Учинчи қордан сўнг ҳаво хийла юмшаб, ҳафта ўтмай тизза, бўйи қордан асар ҳам қолмади. Қиши ўртаси бўлишига қарамай, кутилмагандан кунботишидан эсган илиқ шабададан ер селгиб, дала-дашт нимяшил тус олди. Ҳавода кўклам ҳиди анқий бошлади. Аммо бу ҳолдан болаларни демаса, катталар мутлақо қувонмади. Негаки, ҳаво шу тарэда яна уч-тўрт кун туриб берса, довдараҳтлар ёппасига гулга кирадио, навбатдаги қордан сўнг ҳаммаси ер билан битта бўлади. Кўпчиликнинг тириклилиги бордаги мева-чева билан. Аммо ҳавонинг кескин илиши одамларга таъсир этмай қолмади: магазин олди ёш-яланглар билан гавжумлашди, чоллар жувозхона қошидаги одатдаги жойини эгалладилар, кампирлар урчугию пўстагини судраб уйдан супага кўчдилар. Болаларни-ку, қўяверинг, шумтакалар даладан бери келмай қолишли. Оқбўйиндан бўлак жамики тириқ жон илиқ офтоб нуридан баҳра олмоқда эди.

Шу кунларда Оқбўйин мўъжазгина ёғоч уйчасида, қалин тўшалган похол устида дард авобини тортиб ётарди. Юлгунаордаги зафари эвазига у Карим подачи томонидан тўнғиз ўқи билан сийланганди. Иирик питра ўнг елкасини титиб юборганди.

Юлғунзор воқеасидан кейин Оқбўйиннинг шуҳрати кутилмаганда ошиб кетди. Ҳаммасига Мамаражаб жувозкаш сабабчи. У ҳафта, ўн кунда бир Тошлисойга қатнаб турарди. Тошлисойликлар бошқа экинлар қатори зифир, кунжут ҳам етиштиришади. Тутииган жўралари жувозкашин йил-ўн икки ой зифир билан таъминлаб келишади. Албатта, текнига эмас, аммо бозор баҳосидан анча паст, бунинг устига мағзи тўқ, сиқсанг, ғарчча ёғ чиқади. Хуллас, қишида нима кўп, тўй кўп. Тўй оши зифир ёғсиз бўлмайди. Мамаражаб жувозкаш зифир умидидан тонг саҳарлаб йўлга чиққанди. Катта йўлдан айланиб юришга эриниб, от бошини сўқмоқقا бурди. Аслида доимо қатнайдиган йўли шу эдию, лекин қиши кезлари жар оралаб, дашт оралаб юришдан ўзини тийиб келарди. Бу сафар нима фалокат босиб, шу йўлдан юрмоқ истаб қолганига ҳануз-ақли етмайди. Жарга етмай тонг бўзаради, ойдин кунда даштда жондор нима қиласди, деган ўйда юлғунзорга қадам қўяркан, шу атрофда ўралишиб юрган Оқбўйинга кўзи тушиб, янада дадил тортди. Аммо юлғунзорга кирав-кирмас бирдан оти тайсаллаб қолса бўладими. Индамаса, изига бурилиб қочадиган. Агар жувозкаш итни кўрмаганида, отнинг раъйига қараган бўларди. Ҳозир эса қаҳри қўзиб кетди. Қелиб-келиб итдан ҳуркасанми, ҳаром қотгур, дея отни аччиқ қамчи остига олди. Таёқ жонидан ўтган шўрлик жонивор пишқира-пишқира ноилож олдинга юрди. Отнинг қилиғидан жаҳли чиққан жувозкаш уни мақтаб сотган Абдужалил қовчунни ҳам, унинг гапларига лаққа тушган ўзини ҳам чангитиб сўкиб бораркан, дафъатан кўзи тушган манзарадан эси оғиб қолаёзди. Қайси кўз билан кўрсинки, бир эмас, уч бўри чўзилиб ётарди. Албатта, жувозкаш уларни тирик гумон қилди. Шу сабаб, беихтиёр иштонини ҳўллаб қўйди. Узоқ йили даштда бўриларга ем бўлган қайнисининг фожиаси хаёлидан чақмоғ янглиғ ўтаркан, кўзига иенжা невараси кўриниб кетди. Уни қайтиб кўролмаслигини ўйлаб, бўзига йиги тиқилди. Қалимага тили келмай, валдир-вилдир қиларкан, йиртқичларнинг ҳаракатсиз ётганини сезиб ҳушёр тортди. Кўз ўнгини босган кўкиш туман тарқаб, у қор устидаги қон изларини, бўрилар танасидаги жароҳатларни кўрди. Шунда ҳам яқинроқ боришга юраги бетламай, от бошини ортга бурди. Ҳозиргина, жувоз ҳайдамай мен ўлай, зифир мой емай одамлар ўлсин деб турган одам, әнди расво бўлган иштонидан бош-

қасини ўйламасди. Бўриларни ўлик кўрганидан худога минг карра шукрлар қиласарди.

Мамаражаб жувозкаш йўл-йўлакай Қаҳҳор овчи эшигини қоқмасдан ўтолмади. Ахир кўргани ҳазилакам воқеа эмас, буни бирорга айтмасдан бўларканми! Гап орасида, юрибсан-да, овчиман деб, суриштириб кёлса бир итчалик чоғинг йўқ, дея Қаҳҳор овчини чақиб олишдан ҳам қайтмади. Уйига етгунча яна беш-олти кишидан «суюнчи» олди. Қаҳҳор овчи итга менгзалишидан хафа бўлиб турмади. Бошқа пайтда-ку бу гапи учун чолнинг ёқасини йиртган бўларди-я, лекин ҳозир бунақа паст-баланд гапларга эътибор бериб ўтиришнинг вақти эмасди. Чолнинг қораси ўчиши билан юлғузорга жўнади. Йўлда бўри терисидан тушадиган фойдани хомчўт қилиб, димоги чоғ бўлди.

Бу ёруғ оламда овчи халқидек ҳангоматалаб одам кам топилади. Қаҳҳор овчи териларни ортмоқлаб қишлиқда қайтаркан, кўрингандаги Оқбўйинни тарифу тавсиф этиб борарди. Оқшом Эркин пучӯқнинг маслаҳат ошида ҳам жағи тинмади. Мамаражаб жувозкаш уни маъқуллаб турди. Гурунгда ит эгасининг қанчалик баҳри-дили очилган бўлса, Карим подачиники шунчалик хуфтон тортди.

Охири бўлмади, қарасаки, Қаҳҳор овчи ҳали-вери тинадиган эмас, подачи бурчакдаги печка қаватида иссиқ ва мақтовдан терга ботиб ўтирган ит эгасига шум қараш қилиб, овчига юзланди.

— Қаҳҳорвой, ишқилиб, тери яхши пул бўлдими?

— Бир нави. Нима эди?

— Ҳаммасини чўнтақка урган чиқарсан?

— Нима, кўчага ташлаб қўйишим керақмиди?

Карим подачи жавобга шошилмади. Болишни биқинига тортиб ёнбошларкан, қаншари остидан унга кинояномуз тикилди.

— Кўчага ташлама, увол бўлади. Лекин тери пули ит эгасига тегишли эканини унутганинг чатоқ бўпти. Ҳеч бўлмаса, унга улуш беришинг керак.

Даврага сукунат чўқди.

— Майли, биз рози.

Үртада ўт чиқариш пайида турган подачи ит эгасининг бу гапини эшитиб, афти тиришди. Нордонроқ гап айтмоқчи бўлиб сўз қидиаркан, орага Мамаражаб жувозкаш сүқилди.

— Унда тери пулида менинг ҳам ҳақим бордир-а,

Каримбой? Ахир уларни биринчи бўлиб мен кўрдим-ку!

— Бўлмасам-чи,— деди подачи қутқули оҳангда.

— Ҳай, унда биз ҳам кечдик, олган шули ҳалоли бўлсин,— жувозкаш шундай дея Карим подачи томон ўгирилди.— Сиз, Каримбой иним, буйтиб йўқ ердаги гапни ковламанг, уят бўлади. Гўнг титмоқ товукқа яратади. Юрак ютиб борибдими, қандини урсин. Мана, биз яқинигъям йўлолмадик-ку...

— Энди сиз... аёлмижоз одамсиз-да, бобой,— деди подачи кулиб.— Ҳеч замонда эркак кишиям ўлган жондордан қўрқадими?

— Тил қурғур бесуяк, оғизга келганини алжиманг, иним,— деди жувозкаш оғриниб.— Шу-у, сизга қараб туриб фикр қиласам, Содиқбойни ити сиздан эслироқми, дейман...

— Менгзаманг, бобой!

— Унда сиз ҳам оғизга сал эга бўлинг! Тенгқурингиз эмасман! Кўп олдида буйтиб беҳурмат қилманг.

— Ақлини-ку билмадим-а,— дея гапга аралашди Содиқ ака,— лекин содиқликка содиқ. Расул деган улимизга кўп қаттиқ меҳр қўйган, жонивор. Ётар жойини бўлак демасак, иккиси доим бирга. Қачон қарама, етаклашиб юради. Тунов куни нега молди тагини тозаламадинг, деб улди озгина буровга оловдим, ириллаб тарафини олиб қолса бўладими. Болага қўл кўтарсан, оладиган шашти бор. Қўрқдим уришга.

— Унақа итни баҳридан кечинг, Содиқвой,— деди Эркин пучуқ.— Ҳар мўйи тиллага тенг бўлсаем, кечинг баҳридан. Кўнгил бўшлиқ қилманг, охири ёмон бўлиши мумкин. Ҳозир мен сизга бир воқеани айтиб берайину хулосасини ўзингиз чиқаринг. Шаҳарда бир нўғай ошнам бор. Ҳов бирда, катта улди тўйида ичib олиб, ажаб бир қилиқлар қилган норғул йигит-чи. Ана ўша. Жўрам итга жуда ишқивоз эди. Бир немис овчаркаси бўлгичи эди. Одамдай если, келвати нақ эшакдай келарди. Шу денг, бир куни ошнам уйига кўпроқ отиб борибди. Ўзиям кўп ичарди, даюс. Ичib олиб нуқул қўшиқ айтади. Ўша куни хотини шўрликнинг кайфи бузуқроқ эканми, ошнамини бир-икки силкибди. Туртқилаб-суртқилаб уйга олиб кирмоқчи бўлибди. Жўрам ҳам кўнимабди, хотини қистаб қўймабди. Орада елқасига бир-икки мушт туширибди. Нарёқда кучуги ётган экан, хотин экрига қўл кўтарган ҳамон сакраб туриб, шаппа томоғидан опти. Эганг ўлгур ит кишига аввало меҳр қўймасин, меҳр қўйдими, қаттиқ қўяди.,

- Хотиндан галир. Хотин нима бўлди?
- Нима бўларди, балисага етмай узилди. Ошнам итни чибақлаб ташлади. Мана шунаقا гаплар.
- Итни дўст деймизу, лекин минг қисаси, ҳайвон-ҳайвон-да.
- Бунаقا экан, ит асраб нимага керак?
- Ие, ҳамма ит бир хил деб ўйлайсанми? Мана, ўзимизнинг кўлпаклар, бирор гап бўлса, думими қисиб қочишдам бошқасига ярамайди.
- Лекин Содиқники сара ит...
- Содиқвой, ҳалиги гапнинг чин бўлса, бу итни тезда йўқотинг. Ўрнига ювошроқ кўлпак асранг. Айтаб бўладими, тағин...
- Ҳақ гап...
- Йўқотиб нима қилади,— деди Карим подачи гапга суқилиб.— Ундан кўра менга берақолсин.
- Тушингизни сувга айтинг,— деди ит эгаси тумшайиб.
- Бекорга ҳаром қотмасин, дейман-да, ука.
- Ким экан ўша ҳаром қотирадиган?
- Хидир хира қўзғоладиган вақт яқинлашяти.
- Тегиб кўрсия!
- Чиранма. Қўлида қоғози бор унинг. Бет бўламан деб тағин мелисага тушиб юрма.
- Қоғозини оғзига уриб, кетига телиб ҳайдарман.
- Кўрамиз.
- Менга қаранг,— ит эгаси подачига қаттиқ тикилди.— Қоғози бор ўша номард нега сизнинг итингизга тегмайди, а? Е итингизди шохи борми? Балки ойи бордир? Е ҳар сафар томогини мойлаб юборасизми?
- Менинг итим колхоз мулкини қўрийди, нодон.
- Нима, менини аммамнинг чорбоғини қўриялтими?! Кечалари даштдан бери келмайди. Гир айланиб қынлоқни қўрийди. Уч бирдай жондор бунинг исботи. Қоғози бор ўша укағарга бу гапларни айтсак, тушунар, ахир. Қалласи бордир, хўл-қуруққа баробар ўт қўймас. Гапнинг сирасини айтсам, ҳадигим сиздан. Биламан, анчадан буён тиш қайраб юрибсиз. Тағин уялмай-нетмай менга бер деганингизга ўлайми!
- Сен бола, кў-ўп аччивуни қўзитма!— газабдан подачининг раиги бўзарив кетди.— Суриншириб келсак, ўша ахта бўлгир кучугингни бўйнида итимнинг хуни бор. Отиш кам, этини нимталасам, арзийди. Худо насиб этса, бу ишни қиласман ҳам.

Содиқ ака бошмалдоғини бармоқлари орасидан чи-
қариб, құлни подачи томои чўзи.

— Мана қиласиз!

Карим подачи құлидаги пиёлани шаҳд билан отди.
Пиёла токча қиррасига тегиб, синди. Содиқ ака дастур-
хондаги чинни косалардан бирини қўлига олди. Подачи
ирғиб ўрнидан турди.

— Қоч, йўлимни тўсма! — деди орага тушганлардан
бирининг кўкрагидан итариб. — Кетаман! Қолсам ёмон
бўлади! Мановини тиккалай сўйиб қўйишим мумкин.
Қўйвор қўлимни! Қўлимни қўйвор, деяпман!

— Содиқ, сениям ёш бола феълинг бор-а, — деди Қо-
дир тракторчи унинг қўлидан косани тортиб оларкан,
биқинига туртиб. — Ахир ит сигир эмас-ку, бунча ичинг
куймаса, бериб юбор. Бермасанг, барибир бошини ейди.

Кинояни пайқаб, кимдир кўлди, унга бошқалар қў-
шилди.

Бу пайтда Карим подачи айвонда тўнғиллаб, этигий-
ни қидиради.

У тўғри фермахонага келди-да, олдиндан тайёрлаб
қўйилган бир жуфт чўчқа ўқни милтиққа жойлаб, Оқ-
бўйин тунлари чиқиб улиб ўтиришни хуш кўрадиган
тепалик сари юрди. Тепаликнинг қулайроқ жойига пис-
тирма қўйди. Болалар ковлаб ташлаган чуқурлардан
бiri унга жуда қўл келди. Бошқа вакт аллақандай ит-
ни деб зах ерда думалаб ётмаган бўларди. Лекин жаң-
жал туфайли анчадан буён дилида тугиб юрган ния-
тини бу тун қандай бўлмасин амалга оширмоққа қатъий
жазм қилди. Буни қарангки, Оқбўйин ҳам кўп куттири-
мади. Итнинг кўркам келбати тепалик устида, юлдузли
осмон қўйнида пайдо бўлганида, Карим подачи эндигина
иккинчи ёнбошига ағдарилган эди.

Айтиш керак, у дарҳол милтиққа ёпишмади. Совук-
дан увишган бармоқларини оғзига олиб бориб, нафаси
билан иситаркан, итга маҳлиё термулиб қолди. Оқбўйин
ҳақиқатан ҳам маҳобатли эди. Подачи умри бино бў-
либ, ҳали бунақасини кўрмаганди. Шу дамгача зеҳн
солмаганини қаранг. Адоватли нигоҳ гўзалликни сез-
майди. Подачи ҳам шу дамгача итдаги кўркни пайқа-
маган, уни бемисл қудрат тимсоли сифатидагина би-
лар, айнан шу хусусиятига ошиқ эди. Айни пайтда по-
дачи руҳида қарама-қарши ҳислар түғен ура бошлади.
Отай деса, шундай ит увол. Бунақаси онда-сонда бир
дунёга келади. Отмай деса, ичи куйиб ўладиган. У ғай-
ришуурий ҳолатда милтиқни чангallлаб, тепкини босди.

Оқбўйин кутилмаган қучли зарбдан думалаб кетди. Интиқом лаҳзасидан қутуриб кетган Қарим подачи ҳаялламай иккинчи тепкини босди. Навбатдаги ўқ шундоққина боши устидан визиллаб ўтиши билан Оқбўйин Жон аччиғида қоча бошлади. Ҳовлига етиб келганида баданидағи ўқ ҳали сөвуб улгурмаган, оғриқдан ҳам кўрағ ташналиқдан кўпроқ азоб тортмоқда эди. У ариқ четига сёёқ қўйиб, юпқа музни панжаси билан уриб синдириди-да, ютақиб сув ича бошлади. Сўнг сувга қониб, кемтик тагига келаркан, силласи қуриб бораётганини ҳис этди. Девор ошишга қурби етмай, ғингшигана чарвоза томон судралди.

Содиқ ака итни эрталаб дарвоза тагидан топти. Оқбўйин чала ўлик ҳолда ётарди. Агар у юлғунзорда шуҳрат қозонмаганида, Содиқ ака икки дунёда ҳам Салом дўхтирга бош уриб бормаган, ўз навбатида Салом дўхтири ҳам уни сидқидилдан муолажа қилмаган бўларди. Суягиға зиён етмаган экан, жароҳати тез бита бошлади.

Содиқ ака бу бедодликка бефарқ қарамади. Ўша куниёқ суйил кўтариб фермахонага борди. Аммо подачи уни ёзги қўрадан берига ўтқазмади.

— Яна бир қадам боссанг, отаман! — деди милтиқ ўқталиб. — Бу сенга ози! Шошмай тур, ҳали сенга шимилдириқ кўрсатиш қанақа бўлишини кўрсатиб қўяман!

* * *

Жароҳати битган сайин Оқбўйиннинг фавқулодда иштаҳаси очила борди. Авваллари овқатга қиё боқмайдиган жонивор энди гўё ўша дамларнинг ҳиссасини чиқармоқчидаи, ялоғига тўкилганини кўрдим демасди. Кейинчалик уйда бериладиган овқатдан нафси қонавермагач, у дала-даштга чиқиб ўлакса қидирадиган бўлди. Ёлдорнинг ўлимидан сўнг бўрилар бу томонларга доримаслиги сабабли даштдан ўлакса деярли аrimасди. Фақат қишлоқ итлари аҳён-аҳёнда... Аммо Оқбўйин тезда уларни тартибга солиб қўйди. Қарға-қузғуларни демаса, унинг насибасига шерик бўлишга журъат эта-диган жонивор йўқ эди. Бошда Оқбўйин қарға-қузғулар билан ҳам обдон талашиб кўрди. Эплаёлмади. Бу ҳанотли маҳлуқларни бир томондан ҳайдаса, иккинчи томондан ёпириларди.

Шу тариқа, Оқбўйин бўриларча яшай бошлади. Бу хил ҳаёт ёқиб қолганидан, энди илгаригидек муттасил

Расулнинг ортидаң эргашиб юрмас, эрталаблари болани мактабгача кузатиб борарди-да, кейин тўғри даштга чиқиб кетарди. Даштдан гоҳида жуда кеч қайтади. Аммо Расулдан кўнгли андак безовталанса, ҳаялламай қишлоққа югуради.

Расул коптоқ талашиб уришган куни ҳам шунга ўхшаш воқеа юз берди. Бу пайтда Оқбўйин жарда санғиб юрарди. Кўнгли ўз-ўзидан безовталанавергач, қишлоқ томон чопти. У тепалик устида пайдо бўлганида, Расул болалардан бири билан ёқа бўғишарди. Оқбўйин!— деди бирор бақириб. Болалар куюндеқ елиб келаётган итни кўришлари билан тумтарақай бўлиб кетишиди. Майдонда ит билан Расул қолди.

Бугун ҳам у болани мактабгача кузатиб борди-да, мююлишда машина кутиб турган одамлар ёнидан магрут юриб ўтиб, даштга чиқиб кетди. Икки кундан буён камардаги ҳаром ўлган сигир билан банд эди. Гўшт ҳидини узоқдан сезиб, тамшанганча қадамини тезлатаркан, уч-тўрт ит ўлаксани бамайлихотир хомталаш қилаётганини кўрди. Оқбўйин ғазабдан қутурган кўйи олға интилди. Чангалига тушган итни тилка-пора қилмоқ қасдида елиб бораркан, барибир нафс деган бало устунлик қилди, қочмоққа тушган итларнинг изидан қувълаб юрмай, хўракка ташланди. Нафси бир оз ором олгандан сўнггина олтмиш-етмиш қадам нарида қийшанглаб турган бояги итлардан бири — Қоплонга кўзи тушди. Келдиёр маҳсум уни эркалаб «қоплон» деб атаса-да, унда қоплонлик сиёҳи йўқ — ориқ, нимжонгина ит эди. Оқбўйин қараши билан гўё унинг зътиборсизлигидан аразлагандай, у нозли бир қиёфада ғингшиди.

Шу чоққача Оқбўйин учун ҳамма ит бир ит эди. Арлонми, ургочими — ғашига текканини аяб ўтирмасди. Ҳозир ҳам у итга нописанд назар ташларкан, унинг кўзларида одатдаги ялтоқликдан ташқари, ўпка, гина, ғамза ва яна алланарсаларни пайқагандай бўлди. Қизиқсиниб у томон юрди. Қоплоннинг нимасидир унга ёкиб қолганди.

Қоплон ҳам қийшанглаб пешвоз юраркан, етиб келгач бошқа итлар каби искашмади, кутилмаганда оёқларини кўтарганча ётиб олди-да, шундай бир қилиқлар қилдики, Оқбўйин дабдурустдан шошиб қолди. Бехос тишлиб озор етказиб қўйишдан чўчигандай ерга узала тушди-да. Қоплоннинг барча хатти-ҳаракатларини дикқат ва қизиқиш билан кузата бошлади. Қоплон уни таомила асир этдим деб ўйлади шекилли, ботиниб-бо-

тинмай лаб-лунжини ялаб-юлқашга тушди. Бошда унинг бу қилиғидан Оқбўйиннинг ғаши келиб, ириллаб бермоқчи бўлдию, лекин итнинг қувноқ кўзларида тўла меҳрни кўриб ўзини босди. Уни ўз ҳолига қўйиб берди. Бора-бора бу унга жуда хуш ёқиб, кўзлари ўз-ўзидан юмилиб кетаверди. Қоплон уни бошдан-оёқ ялаб-юлқимагунча тинчимади. Оқбўйин ўша куни дунёда қорин ғамидан бўлак, англаш ва англатиш қийин бўлган яна нимадир борлигини ҳис этди. Қейинчалик Қоплонга нисбатан бошқа итларнинг эътиборини сезгач, кўнглида рашкка ўхшаш нимадир қўзғалиб, итга меҳри янада ортди. Қоплонни ўзидан бир одим нари жилдирмай қўйди.

Бу воқеа итларнинг айни илиқиш даврига тўғри келганидан Қоплоннинг «хуштор»лари ниҳоятда кўп эди. Бироқ унга шундай бир баҳодир эга чиққан эдикি, бошқа итлар Қоплонга яқинлашишни ҳатто тасаввур ҳам қиломасдилар.

Қоплон билан бўлиб Оқбўйин ҳовлиниям, Расулниям унутди. Ора-сира ўтишини айтмаса, Қоплонга ипсиз боғланиб қолди. Келдиёр маҳсум уларни ҳовлидан ҳайдамоққа бир-икки уриниб кўрдию, кейин қўл силтаб қўяқолди. Ҳай, ўйнашгинг кепти, ўйнашавер, эрта-индин ҳовурингдан тушарсан. Ҳозир сенга тегиб бўладими, кўзинг қонга тўлиб турибди...

Аммо бу ҳол Карим подачининг назаридан четда қолмади. У фермахонадаги итини ҳовлисига олиб бориб боғлади-да, пешинга яқин Келдиёр маҳсумнинг уйига жўнади.

* * *

Келдиёр маҳсум подачининг таклифини эшитиб, ҳайратдан донг қотди.

— Кўйингиз нимаси? — деди ниҳоят ўзига келиб.— Ана, олиб кетаверинг. Товба, бировга айтсанг, ишонмайди, ҳеч замонда ит ҳам савдо бўлганми?

Карим подачи ишнинг осон кўчганидан қувониб, Қоплонни фермахонага олиб бориб боғлади. Олдига қотган-қутган нон ташлаб, уйчасига кирди-да, милтиқни ўқлаб, эшик ёнига суюб қўйди.

Оқбўйин бу вақтда ҳовлида эди. Ялоқдаги овқатни пок-покиза тушириб бўлгач, офтобрўядা бирпас чўзилиб

ётди. Сўнг энди Қоплоннинг олдига жўнай деб турганда, дарвозадан Расул кириб келди. Итни кўрган боланинг кўзлари шодликдан чақнаб кетди. Қelasолиб Оқбўйиннинг бўйнидан қучди. Эркалади. Кейин қулоғидан тортқилаб ўпка-гина қилди.

— Ҳа, дайди! Қаерларда санқиб юрибсан? Қорангни кўрсатмай қўйдинг? Ҳозир бир адабингни берайми, а?

Оқбўйин болани соғинган, юмалаб, сакраб, бир зум ўйнашган бўлди. Кейин дарвозага йўналди.

— Ҳа-а, ҳали яна қочмоқчимисан? Қочиб бўпсан, дайди!

Расул итнинг қулоғидан тутиб, уйчаси томон судради. Оқбўйин буни одатдаги ҳазил деб билиб, унга итоат этди. Қачонки кўзи ерда чуваланиб ётган занжирга тушгачгина боланинг мақсадини англади. Бошини кескин силкиб, қулоғини бўшатди-да, ортига қайрилди. Расул унинг бўйнидан маҳкам қучиб, тутиб қолмоқчи бўлди. Кучи етмади. Оқбўйин болани ҳеч бир қийинчиликсиз дарвозагача сургаб борди.

Остонага қоқилиб тушган боланинг алами қўзиб, ердан каттакон тош олди, лекин уришга қўли бормади. Тошни маҳкам сиққанича Келдиёр маҳсумнинг ҳовлиси томон йўртиб кетаётган Оқбўйиннинг ортидан қараб қоларкан, кўзига ёш қуйилди. Сўнг дафъатан, отасининг, илиқиши даврида ит зоти ҳамма нарсани унутади, аммо бу вақтинча, кейин яна эс-хуши жойига келади, деган гали эсига тушиб, хиёл енгил тортиди. Ичиде Келдиёр маҳсумнинг итини боплаб сўкди.

Оқбўйин Келдиёр маҳсумнинг томорқасига ўтиб, Қоплонни жойидан топмади. Эркалаб чақиришлари ҳам жавобсиз қолгач, у ҳид олиб изидан тушди. Из уни тўғри фермахонага бошлаб борди. Ёзги қўра четида чўнқайиб турган Қоплонни у узоқдан кўрди. Юраги ҳаприқиб, қадамини тезлатаркан, фермахона ортидан паншаҳа кўтариб чиққан. Карим подачига кўзи тушиб, саросимада туриб қолди.

Оқбўйиннинг бу қадар тез пайдо бўлишини кутмаган подачи аввалига шошиб қолди. Сўнг қўлидаги паншахани гўнгтепа четига санчиб, уйча томон ошиқди. Ичкарига кириб милтиқни қўлига олди. Тепкисини кўтариб, ортига ўгирилган жойида шошқалоқлиги ўзига эриш туюлиб, мийифида илжайди. Тепкини тушириб, милтиқни деворга суюди. Тимирскиланиб юриб, бир бурчакда ётган эшак тўқимини қидириб топди. Тўқимни

тагига қўйиб, эшик ёнига жойлашиб ўтири. Эшикни қия очиб миљтиқни тиззасига олди. Оралиқдан ёзги қўра бемалол кўзга ташланиб туарди. Карим подачи бу ишларни ошиқмай бажаракан, Оқбўйиннинг ҳаливери итга яқин келмаслигини биларди. Қўнглига ҳадик оралаган итнинг жойидан жилиши қийин, шунингдек, минг пўписа қилганинг билан узоқлашиб ҳам кетмайди. Фурсат пойлаб атрофда айланишиб юраверади. Айниқса, миљтиқ ўқини татиб кўрган итлар бу борада жуда омилкор бўлишади. Аммо шунга қарамай, манаман деган итнинг ҳам сабр-бардоши бир-икки соатдан ортиғига етмайди. Илиқиш таъсири остида улар бора-бора хавф-хатарни унугиб қўяди. Подачининг умиди мана шундан эди. Йкки соат эмас, икки кун пойлашга ҳам рози эди у. Яқин келтирмасдан туриб, Оқбўйинни бир ёқлик қилиш жуда қийиндеқ туюларди. Отеб ўлдиради, жасадини фермахона ортидаги хандақقا ташлаб, устидан тупроқ тортиб юборади. Қани, эгаси даъво қилиб кўрсин-чи!

Оқбўйин уйчадаги тараддуздни сезгандай ҳамон жоида қотиб туаркан, Қоплоннинг нолакор ғингвишидан сўнг, секин-аста олга силжий бошлади. Манзилга юз одимча қолганда, подачининг ўт сочувчи калтагини эслаб, тағин тўхтади. Аламли ғингвиши.

Орадан ярим соатлар чамаси вақт ўтгач, подачи зерика бошлади. Боз устига, ҳали молларнинг ярмига емиш ташланмаган эди. Бир хаёли, бу аҳмоқона ишга қўл силтаб, юмушига уннамоқчи ҳам бўлдию, лекин юраги куишиб юришини ўйлаб, фикридан қайтди. Тирқишидан мўралаб, масофани чамалади. Оралиқ хийла олис, ўқ етиши қийин эди. У тили тагига нос ташлаб, гарданини қиরт-қиরт қаширкан, тўсатдан кўзи фермахона деворига сүёғлик турган заранг податаёқقا тушиб, ўзида йўқ қувониб кетди. Аввалроқ шу нарса хаёлига келмаганидан ичиде ўзини боплаб сўқди. Ахир, Оқбўйин шеригининг азобига чидаш беролмайдиган ёвқур табиатли итлар тоифасидан-ку. Бундай пайтда у ўлса ўладики, лекин ҳеч балодан қайтмайди.

Карим подачи ташқарига чиқди. Бориб таёқни олди. Иўл-йўлакай устидаги пахталигини ечиб ташлаб, Қоплоннинг ёнига борди. Миљтиқни симтўр деворга суюб қўйиб, итни калтаклашга киришди. Қоплон ювош ва нозик ит — зарб кучли бўлмаса-да, дунёни бошига кўгариб вангиллай бошлади. Ўзини чор томонга отиб, қу-

тулмоққа уринди. Бироқ тизимча калта, калтак эса узуу
эди.

Қоплоннинг калтак остида қолганини күриб, ғазабдан Оқбўйиннинг эси оғиб қолаёзди. Аммо милтиқдай қаттиқ юрак олдирган, кўнглидаги қўрқув ҳиссини енгишга қурби етмади. Фингшиди. Фингшиганча ер бағирлаб беихтиёр олдинга силжиди.

Подачи ўзини ҳар ёнга уриб, таёқдан қочишга урина-
ётган Қоплонни калтаклашда давом этаркан, ора-сира Оқбўйинга кўз қирини ташлаб қўярди. Оқбўйиннинг чумчук пойлаган мушук сингари ер бағирлаб ғалати алпозда ҳаракатланаётганини кўриб кулди, уни тез қутуртиromoқ ниятида Қоплонни баттарроқ таёқлай бошли-
лади.

Аммо шу пайт кутилмаган ҳодиса юз берди: калтак жонидан ўтган Қоплон туйқусдан подачига ташланиб, ўнг билагидан ғарчча тишлаб олди. Карим подачи иҳраб юборди-да, ўзини бир одим ортга олди. Тирқираб қон оқаётган билагига разм солиб туриб, тутикашиб сў-
кинди. Кейин таёқни икки қўллаб тутиб, шўрликни чинакамига калтаклашга тушди. Ғазабдан қутурниб кетган подачи Оқбўйинни жуда кеч пайқади. Наърага ўхшаб кетадиган овозни эшитгандан сўнггина ёнига ўгирилди. Ўгирилдию, шу дақиқани кутган бўлишига қарамай, ўқдек учиб келаётган Оқбўйиннинг важоҳати-
ни кўриб, дабдурустдан ваҳимага тушиб қолди. Таёқ билан ҳимояланмоқчи бўлган жойида милтиқ эсига ту-
шиб, қуролга ёпишди. Шошганидан милтиқ тепкиси қолиб, қўндоғини пайпаслай бошлиди. Ниҳоят, тепкини қўтариб, милтиқни Оқбўйинга тўғрилади. Жуда яқин келиб қолган Оқбўйин айни шу дамда нақ одам бўйи сакраб, яшин тезлигида унга ташланди. Ўқи хато кетди. Елкаларига тиф янглиғ ботган тирноқлар зарбидан дод-
лаб юборди. Жон аччиғида пичоғига ёпишаркан, қайноқ нафас аралаш кўз ўнгидаги бир лаҳзага ялт этган оппоқ ўткир тишлар томоғига санчилганини ҳис этди. Кўз олди туманлашиб, ҳушини йўқотди...

Оқбўйин рақибини мағлуб этганига ишонч ҳосил қилгач, мурдадан четланди. Тупроққа ётиб тургандай илкис силкинди. Сўнгра бетиним фингшиётган Қоплоннинг ёнига бориб, арқонни қон юққан ўткир тишлари орасига олди.

Фермахонага ем олиб келган Тўқли шофёр Карим подачининг ҳали бутунлай совуб улгурмаган жасадини

учратганида, итлар дала томон кетиб боришарди. Тўқли шофёр мурда юзига белбоғини ёпиб, машинасини қишлиққа бурди.

Эртаси Хидир хира бошлиқ тўрт отлиқ итларни камардан топишиди. Оқбўйин қочмади. Орқа оёғини судраб базўр одимлаётган Қоплоннинг гирдини айланиб, таҳдидли ириллади.

Зум ўтмай камарни милтиқ овози тутди.